Miraculum naturae, sive uteri muliebris fabrica / notis in Joh. van Horne prodromum illustrata ... Adjecta est nova methodus, cavitates corporis ita praeparandi, ut suam semper genuinam faciem servent.

Contributors

Swammerdam, Jan, 1637-1680.

Publication/Creation

Lugduni Batavorum : J. du Vivie, 1717.

Persistent URL

https://wellcomecollection.org/works/b8q7pd56

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org



Digitized by the Internet Archive in 2018 with funding from Wellcome Library

JOHANNIS SWAMMERDAMI,

Amstelædamensis, Med. D.

MIRACULUM NATURÆ Sive

UTERI MULIEBRIS

FABRICA,

Notis in D. JOH. van HORNE prodromum illustrata, & tabulis,

A Clariss. Expertissimisque VIRIS cum ipso archetypo collatis, adumbrata.


Adjecta est nova methodus, cavitates corporis ita præparandi, ut suam semper genuinam saciem servent.

Ad Illustriff. REGIAM SOCIETATEM LONDINENSEM.

Editio Quarta, Prioribus Correctior.



Apud JOH, DUVIVIE, 1717.



REGIÆ SOCIETATI

LONDINI AD PROMOVENDAS BONAS ARTES ET SCIEN-TIAS INSTITUTÆ.

JOHANNES SWAMMERDAM Med. D. S.

LLUSTRES SAPIENTISSIMI-QUE VIRI: Quod unice in votis erat, ut una eademque opera simul hoc quicquid est libelli, & ipsum illum, de quo potissimum agit, muliebrem uterum, uterique figuras Excell. Ura offerrem: id vero, rerum humanarum moderatrix divina providentia discussit. Nec tamen gravis illa, qua nunc premimur, temporum calamitas, impetrare a me potuit, ut quam Illustrissimo nomini vestro vovi & debeo reverentiam, ceu desertor stationis, & profugus in aliena castra miles exuerem. Et certe brutorum belluarumque conditione pelor

pejor hominis conditio esset, si dum armis certatur, & sicam sica retundit, ne suum quidem innocentibus Musis & virtuti debitum honorem tribuere citra perduellionis crimen liceret. Me quod attinet, quo testatior publice meus erga Excell. Uram & naturalis Philosophiæ studium affectus, nec non methodi, qua in secandis præparandisquè corporis partibus utor, summa utilitas sit, non hunc modo libellum, libellique comitem uterum, sed auctuarii loco, & majoris demonstrationis ergo, præter hymenem, ipsas etiam humani lienis venas, & insignes arteriæ hepaticæ ramos, nec non vitulini lienis arterias vobis Illustres sapientissimique Viri do, dono, consecro: id unum obnixè rogans, ut, quæ vestra eruditio est, & in bonas artes gloriamque Dei affectus, singula ad amussim rationis & experientiæ vocetis, & si quæ monenda videbuntur, libere & pro ea qua polletis autoritate moneatis. Utut enim indefesso studio, & frequenti rerum anatomicarum

tractatione id assecutus sim, ut abstrusissima quæque corporis vasa, nec non minutissimos venarum arteriarumque ramulos, nulla arte parenchymate suo exuendos, & varias eorundem frequentissimasque circa extremitates anastomoses, ac rete, quod singillatim efficiunt mirabile, levi opera producere in conspectum, & partes a partibus, heterogenea ab homogeniis separare, & singula seorsim exhibere facile possim; fungus tamen sim, si vel Illustrissimæ Societatis vestræ industriam & judicium me superaturum, vel, quod gravius est, impervestigabilem, & nunquam satis deprædicandam Naturæ in struendo homine sapientiam præ aliis assecuturum me putem. Quin ut cuivis facile constat nullius jurandum esse in verba magistri, nec alium meliorem in rebusanatomicis ducem esle, quam proprium oculum; ita sat scio, nec latere quenquam potest, majoris momenti esse plurium oculorum, quam unius oculi testimonium: & alioqui nescio quo fato fa-

factum sit, ut, quomodo Christianus orbis non minima religionis suæ incrementa ve-stræ genti debet, ita ultimis disficilimisque his temporibus apud vos inventa sit ratio, qua, missis inanibus scholasticorum disputationibus, bonæ artes & scientie in solido locentur: quod ipsum ut non postremam gloriæ vestræ partem absolvit; ita in causa est, ut in naturalis Philosophiæ negotio ad nullum aliud quam vestrum tribunal provocare vel ausim, vel debeam. Valete Illustres sapientissimique Viri, & me, quod facturos vos spero, favore vestro dignum putate. Dabam Amstelædami, ipsis Calendis Maji, anno M. DC. LXXII.

JOHANNIS SWAMMERDAMI,

Amstelædamensis, Med. D.

UTERIMULIEBRIS

Stupenda fabrica, non una ratione illustrata.

RS natidit. Qui dias proinsculps

RS naturam æmulando suos semper desectus prodit. Quare, utut dextrè magnus ille statuarius Phidias propriam suam imaginem Minervæ clypeo insculpserat, fracto tamen clypeo omnis Phidiæ

imago periisset. Usque adeo artis opera impersectionis notam semper secum ferunt, ut statim ac nata sunt redigi in nihilum possint: cum econtra Nature opera (O admirandame o adorandam sapientiam!) tantæ persectionis sint, ut toto corpore, & singulis sui corporis partibus majestatem artissicis ostentent: & quomodo summus ille plastes hujus universi in omnibus suis operibus quasi visibilis est; ita in minutissimis eorundem partibus quasi manu palpari possit. Etenim, quo naturæ opera magis confringuntur, & in partes dividuntur, eo inimitabilis eorundem structura magis magisque

detegitur & innotescit.

Anno proxime elapso hoc ipsum accurata uteri virginei figura demonstravimus, & quantum in nobis suit, exigua hac corporis humani particula incomprehensibilem Creatoris sapientiam quasi manibus palpandam dedimus. Id quia pluribus bonis eruditissimisque Viris gratum acceptumque suisse certo scimus, ipsa rei ratio nos cogit, uti ne otio tempus transsigamus, sed qualecunque illud est, quod nacti sumus talentum, in publicos usus impendamus, & detegendo pro virili naturæ secreta, Dei in naturæ operibus elucentem sapientiam, quam id sieri commodissime poterit, in conspectum producamus. Et certe, nisi id sieret, oppido ingratus essem erga Deum.

Deum, cujus mera benignitate mihi contigit, istiusmodi rationes & media invenisse, ut exiguo admodum temporis spatio, & quasi in momento maximam partem eorum, quæ in humani corporis, aliorumque animantium sabrica notatu maxime digna sunt, demonstrare possim, id quod subjecta ute-

ri figura uberius, ut spero, docebit.

Accedit alia etiam, quanquam minoris momenti ratio, quod mihi occurrendum illis esse video, qui cum priori mez uteri sigurz Clarissimi quondam, expertissimi que Viri D. lo-hannis van Horne, Anatomiz dum viveret, atque chirurgiz in Academia Lugduno-Batava Professoris nomen adscriptum videant, in ea opinione esse poterant, ac si, aliena pro meis venditando, palmam alii debitam mihi arrogare vellem. Quare, ut simul clarissimi illius Viri memoriz, quz apud me sancta est, nec non aliorum curiositati, & samz nominique meo satis siat, tria nunc quidem peragere, decrevi.

I. Prodromum magni illius Viri de partibus generationis in utroque sexu, qualis anno clo delixviii. apud Gaasbekios exiit, ordine sequemur, adjectis quæ ex usu videbuntur: eoque absoluto, novam uteri puerperæ, & priorem uteri virginei siguram subjiciemus, & quæcunque explican-

dis his inserviunt, suo loco docebimus.

II. Generalem quandam, & jam, ante aliquot annos à nobis inventam methodum exhibebimus, cujus beneficio cavitates corporis, venæ scilicet arteriæque, ita præparari posfunt, ut simul in oculos incurrant, nec non eandem semper faciem servent, & archetypi loco esse possint, cum quo no-

stri & aliorum conatus & figuræ conferantur.

III. Ipsis rerum documentis demonstrabo, non priorem modo illam uteri virginei, quam edidi, figuram, utut vivo adhuc & vidente D. van Horne, anno moclxv11. designatam, meam esse, sed ipsa etiam prodromo contenta
utriusque nostrum industriæ & communibus studiis deberi: ita tamen, ut sumtuum ratio ad D. van Horne, laboris & dispositionis ad me rediret.

CA-

CAPUT I.

Quo Prodromus D. van Horne breviter illustratur, nec non uteri muliebris fabrica perspicue explicatur & adjectis tabulis omnibus examinanda proponitur.

Principiò nihil referre arbitramur, pluribus deducere, quid in causa fuerit, cur Vir alioqui generosissimus, hunc suum prodromum emiserit: ipse enim satis sese explicat, ut hac quidem in parte commentario opus non sit: ipsum ergo audiamus loquentem:

Onstitueram equidem, ROLFINCI Clarissime, nihil me scripto editurum de iis, quæ abhinc longo tempore me scripto editurum de iis, que aonim ungo me scripto editurum de iis, que aonim ungo me servationi observaveram circa structuram partium generationi in utroque sexu, priusquam omnes illas observainservientium in utroque sexu, priusquam omnes illas observationes denud licuisset ad incudem revocare in diversis subjectis, quorum inopia quia laborabam, supersedere satius putavi, ut tandem absolutior in lucem prodiret historia. Sed quia, ut proverbio fertur, præstat prævenire quam præveniri, jamque recens hoc ipso die è typographia exiisset Epist. D. Doct. de Graeff in quamentio fit similium observationum, nescio an meis omni ex parte conformium, ne mibi ipsi defuisse videar, necessitatem video mihi impositam ut in antecessum y equa aliquod dem meorum conatuum, donec liceat pleno cado admetiri qua curioso Lectori satisfacere possint. Non me latet, posse uno eodemque tempore, diversis in locis, ab iis qui nullum studiorum mutuum babent commercium, observari atque notaritalia, que deinde judicabuntur ex eadem prodiisse pharetra: sed scio insuper, magnam aperiri S pandi januam ad lites & sugillationes, ne dicam calumnias, quas iccirco declinare, judico cordati ese hominis, suoque otio abuti nolentis.

Similium observationum. Non indistincte de omnibus, sed de virorum, non mulierum partibus spermaticis hoc intelligendum est. Ipse enim D. de Graess fatebatur, nescire sese

utrum temporis & occasionum ea ratio sutura esset, nec ne, ut his perscrutandis operam dare posset. Ac jam totum triennium est, & quod excedit, ex quo istiusmodi prodromum, qualem D. van Horne edidit, edere, si voluisset, poterat : cum interea observationes D. Stenonis, deinde prodromum D. van Horne, ac tandem figuram ejusdem & explicationem figuræ a me editam præ oculis habuerit :ut mihi inique admodum agere videatur, ubi conqueritur, alios falcem immittere in messem proprie suam: cum ipse potius hoc vitio laboret, ac verum in eo evadat, quod vulgo dicitur: Qui alium judicat, seipsum condemnat. Et certe, nisi ipse de se hoc judicium ferret, nihil causæ esset, cur ad strepitum folii, & editionem mutæ alicujus figuræ, inventis, ut putat, suis timeret, & amice invisentes turpissimæ ingratitudinis reos faceret. Profecto cœcus sit necesse est, qui dementiam insirma hujus suæ ratiocinationis non videt; nec ingenui hominis nomen meretur, qui talia somniat.

Veniat ergo in scenam primo Arteria Spermatica, que in exortu suo simplex & recta est, mox verò at que venæ conjungitur, in varios cincinnos, capreoles seu pampinos vitium imitantes, contorquetur, quæ contortuplicationes ed sunt frequentiores latiusque se expandentes, quo proprius Testem accedunt; ut vel hinc appareat optimo jure corporis Pyramidalis nomen ei impositum fuisse. Vbi jam Testis corpus attigit, subito iterum simplex fit, & , anguis in modum flexuosa, decurrit per totam Testis longitudinem, usque adoppositam extremitatem cui annexus est globus minor Epididymidis: quò cum pervenit, dividitur iterum in duos ramos insiges, hique rursus in alios minores ramusculos Subdividuntur, qui tandem eleganti flexu & crispatione regrediuntur versus oppositam Testis extremitatem, & descendentibus venis occurrunt, partim verò intra testium substantiam sese abscondunt, properant que ad corpus illud nervosum in medio Testis existens, ab Highmoro depictum Tab. X1. fig. 1. lit. g.g.

Non

Non est autem hoc corpus cum Highmoro pro Vase habendum, siquidem omni careat cavitate, sed inservit stabiliendis at que firmandis Venis & arteriis, hoc in loco magis unitis, & abhinc properantibus extra testem ad Epididymida.

Arteria spermatica. Nihila quoquam melius dici poterat, usque adeo accurata est bujus arteriæ descriptio, ut rem ipsam propemodum exhibere videatur, quod facile animadvertent, quibus placuerit, simul arteriam ipsam bene præparatam, & figuram ejusdem penes me videre. Sciendum tamen est, in tauris hanc talem, non vero in hominibus reperiri. In hominibus enim propemodum recta via descendit & quod demonstratu facile est plurimum ab illa figura recedit, quâm D. de Graeff, ab ea parte, qua arteriam extra testiculum exhibet, representat. D. van Horne tunc temporis, ut ipse in prodromo fatetur, defectu subjectorum arteriam hanc in homine nondum viderat: quare, cum eidem observationes meas, quas Amste-Iædami, D. Sladi favore subnixus, in noscomio collegeram, mense Martio anni Clo Io CLX VIII. transmitterem, amicissimas mihi gratias egit, uti postea ex literis ejusdem patebit. Et profecto, maximopere dolendum erat, tantæ eruditionis & experientiæ Viro, quantæ D. van Horne fuit, exiguum aut fere nullum Lugduni accessum ad nosocomium patuisse : qua in parte longe major Nobilissimi Amstelædamensum Magistratus generositas est, ut qui immerenti mihi ex mera gratia noscomium suum aperuit, ut jam omne genus subjectorum commode nancisci, & jacturam, quam morte veri Mecænatis mei, D. van Horne feceram, aliqua saltem ratione resarcire possim.

Careat cavitate: Id quam ob causam cum propriis meis experimentis pugnet non satis assequor. Hoc enim corpus propriè stabilimentum venarum & arteriarum non est; sed ex venis & arteriis componitur, & nullibi non suas cavitates habet, id quod re ipsa demonstrare quovis momento possum.

A 2 † Ve

f Venas quod attinet Spermaticas, eæ similiter in suo exortu simplices sunt, valvulis pluribus semilunaribus, duplicata serie dispositis præditæ. Ubi attigerunt corpus Pyramidale, plures de se promunt surculos majusculos, qui deinde abeunt in minutissimos & capillares. Innituntur autem extrinsecus capreolis arteriosis, passim quoque per medios circulos ab illis capreolis efformatos, transeunt. Ibi autem videre est mirabilem anastomosin venularum ad se invicem, ita ut rete aliquod mirabile quàm pulcherrimè exprimant. Quæ enim de mutua συνανας ομώσει arteriolarum cum venis hic somniant Autores, planè sunt contra autopsiam, quæ nullibi in corpore tales admittit, sed nobis ostendit communiones inter ejus dem generis vasa; ut in cerebro, hepate, lymphaticis lacteisque secundi generis videre est.

Similis Anastomosis reperitur inter ramusculos Lymphaticorum, quos numerosissimos Natura posuit in testibus, nimirum in eorum superficie, nam intra tunicas oriuntur, Esur-

sum ascendunt intra abdomen cum vasis deferentibus.

Hactenus Autores consenserunt in Testium parenchymate, illudque ad glandularum classem revocarunt: ita enim superficietenus aspicientibus apparet. Sed si quis contempletur accuratius, reperiet, totam Testium molem nihil esse aliud quàm
congeriem minutissimorum funiculorum ne dicam an vermiculorum, qui continuatam seriem habent, at que, ut conjicere licet,
concavi sunt pro seminis materia deserenda; hanc autem accipiunt per exiguos arteriolarum minutissimarum ramusculos.

Venas quot attinet spermaticas: Hæ venæ, eadem qua arteria spermatica ratione in tauris occurrunt, & mirabili fabrica constant, ut explere aviditatem intuentis nequeant, ob reticulatam earundem siguram, & miris modis contortas circumvolutiones: & harum venarum reliquias apud me servo, una cum earundem sigura: & exstat earum non levis particula apud D. a Frieshem, quæ descriptionem hanc egregie illustrat, & quam vel ob hanc causam diu admodum superesse velim. At

vero si eandem venam in homine consideres, ex capillaribus & ramulis majusculis illa constat, nec ullam cum sigura D. de Graef convenientiam habet, id quod sacile animadvertent, quibus videndi copia per me siet: duas enim illius generis, meo more preparatas penes me servo, quarum al-

teram arteria eleganter admodum pertransit.

Nequeo mihi temperare, quin paucis hic inseram, processus peritonæi in viris æque ac mulieribus non ultra inguina produci, id quod in diversis subjectis videre mihi contigit. Adde nec tunicam vaginalem sese multo ultra testiculos extendere, ideoque nego, vasa spermatica, quod in canibus evenire solet, cum processibus peritonai extra abdomen ferri. Quod si verum est, ut est longe verissimum, & pluribus experimentis a me comprobatum, dilatatio peritonai in herniosis longe aliter capienda erit quam hactenus factum est. Præterea compertum mihi est; in hernia intestinali non semper dilatari processus, sed dilatationi peritonæi ubivis locum esse. Curiositate ductus integrum saccum dilatati peritonæiasservo, in quo intestina herniosi occlusa suerunt, ubi nullo negotio vasa spermatica (quæ itidem apud me sunt) separare mihi licuit: ut iam vasa spermatica in viris multo potius secus peritonæum & sub eodem decurrant, quam ut cum eodem extra abdomen serantur. Et processus quidem peritonæi, balsamo infectos eadem qua sese in inguinibus ratione naturaliter offerunt, satis elegantes exhibere possum.

† Porro admirabiles & inexplicabiles hæ circumvolutiones ubinam incipiant, explicari nequit; sed tandem per angustum aliquod foramen elabuntur in majorem Epididymidis globum quem, si examinemus, transparebunt per membranam ejusdem anfractus hi atque funiculorum gyri, ferè ad modum anfractuum cerebri. Atque sic eadem methodo per longitudinem Epididymidis transeuntes, versus minorem globum, (ferè ut depinxit Higmorus Tab. x1. fig. 2. litt. d. d. d.) tandem fatiscen-

A 3

tes, simplices evadunt, atque sic iterum intra abdomen ascendunt, ut ad vesicæ posteriora cum urethra jungantur.

Porro admirabiles & inexplicabiles : Hoc illud ipsum est, quod Dathirius Bonglarus, qui, uti postea ex Transactionibus Philosophicis cognovimus, Anno clo loc CLIIX hos tubulos spermaticos detexit & delineavit circa eadem desiderari ait. Tria enim sunt, quæ circa tubulos seminales, & vasa [ut vocat] testicularia scire exoptat. I. An vasa testicularia numero plura, vel unicum multiplici flexura breviatum sit. II. An ubi & [quomodo cum præparantibus coeant, ut materiam hauriant seminalem. II. Quæ & qua parte ipsorum cum ductu intercedat connexio pro seminis commeatu. Ad primum quod attinet, D. de Graef figura quarta tabulæ quartæ, libri de virorum organis, testiculum in viginti numero segmenta dividit, decem ab una, decem ab altera parte lobulos exhibendo, & suum cuique seorsim vas testiculare decurrens, assignando, quod [ut ipse quidem ait] tunicam albugineam pertranseat, & cum epididymide conjungatur: qua ratione, non unum,

sed plura vasa testicularia statuuntur.

Sed enim, cum lobuli testiculorum simul plures numero sint, & nequaquam eo, quo adumbrantur, modo deduci alii ab aliis possint, nec regulariter ita sese exhibeant; cumque membranas, quibus ambiuntur; & quibus ubivis fortiter assiguntur, sectione vel abrumpendo secernere necesse sit, qua ratione tortuos illæ slexure vasis testicularis simul disrumpuntur; hinc adeo sit ut hæc sigura mihi non parum suspecta sit: & sere est, ut dicere audeam, more solito delineatam esse hanc siguram, id est aliqua oculis, plura imaginationi tributa esse; & cum ductum venarum & arteriarum in testiculis hactenus ignoret, facile sieri potuit ut hoc ei impossuerit: quod ipsum Deo volente tum demum propius & distincte apparebit ubi observationes meas, jam essectas & quæ porro absolvendæ erunt in lucem dedero. Ut enim verum satear, hæc talia pro rebus derelictis habui; tam quia

à litibus naturaliter abhoreo, quam quod de primo inven-

tore quæstio est, quam litem meam facere nolim.

Secundum Dathirii postulatum quod concernit, D. Klarkius præter vasa testicularia & sanguinea glandulas aliquot in testiculis locat, contradicentibus D. Edmundo Kinck, & D. deGraess. Ergo illa quæstio an, ubi & quomodo cum præparantibus coeant, hactenus indecisa manebit, idque eo magis quod in testiculis humanis passim aliquot membranæ occurrunt, quæ non exiguam hic illic connexionem habent. Et certe in talparum testiculis vasa testicularia non nisi sorsice, cultro vel quo simili instrumento dividi possunt, ut taceam in tauris circa vasa testicularia aliud quoddam quasi combinationis genus occurrere, quod glutinosum esse videtur, & vasa in nonnullis usque adeo arctè connectit, ut fere invisibilia evadant.

Ad tertium: Quandoquidem ductus Highmorianus non nissex venis & arteriis constat, solutio hujus tertiæ quæstionis in promtu est: nimirum vasa testicularia nullam cum ductu connexionem habere, sed cum epididymide continuari.

Nullam autem habent omninò cum Vesiculis seminalibus communionem, ut pote que toto celo ab Epididymidibus differant. Nam vesicule per duo peculiaria foramina sese exonerant intra urethram, distincta ab iis per que materia seminalis è vasis deserentibus excidit. Unde licet discere, triplicem esse materiam seminis, unam que venit à testibus, alteram que procedit à Vesiculis, tertiam que ex glandulis prostatis per multos minutissimosque meatus (quos descripsit celeberrimus Veslingius Syntag. Anat. Cap. v1. S. 11. edit. Pat.) ope musculorum in utrethre cavum propellitur.

Nullam autem habent omnino; Etiam hæc descriptio vesicularum seminalium non nisi in tauris locum habet, & usque adeo accurata est, ut a veritate ne minimum quidem aberret. In hominibus exiguo discrimine seminales hæ vesiculæ, non in urethra, sed ipsis vasis deferentibus exitum sortiuntur; ita, ut aliquam materiæ seminalis partem eadem via procedere necesse sit, per quam semen ipsum ètesticulis defluit; adeoque hic tractus communis quædam & quasi regia via vocari possit, ut solum vas deserens in urethra terminetur, non vero seminales vesiculæ, quod postremum D. de Graef figura 1. tab. v1. sui operis velle videtur, cum tamen figura 11. ejusdem tabulæ contrarium,

& quidem recte exhibeat.

Ergo, quemadmodum vesiculæ seminales, in tauris pluribusque aliis animalibus, per duas distinctas aperturas in urethram exeunt & plane ab epididymidibus differunt, nec ullam cum deferentibus communicationem habent: ita etiam (ut dictum est) in hominibus; hoc solo servato discrimine, quod ductus eorundem ad urethram usque non extendantur. Recte ergo D. van Horne vasa deferentia cum vesiculis seminalibus communicare negat: nullibi enim id fit, sive bruta sive homines respicias, nec unquam contrarium probabitur, cum ipsæ materiam seminalem generent. Frustra ergo sunt D. Klark, & D. de Graef, cum exprimento probare nituntur, vasa deferentia cum vesiculis communicare. Etenim liquor, ope siphonis per deferentia immissus, necessa. riovesiculas implet, antea quam per urethram exeant. Jam urethræ caruncula, cum antagonistam non habeat, in vivis, præterquam tempore coitus, semper clausa est; ut de mortuis facilimum sit judicare. Sed he rationes, ut ego quidem arbitror parum apud prædictos Dominos poterunt. Placeat ergo illis, liquorem suum sacto foramine, per extremitatem vesicularum injicere & deprehendent, vasa deferentia expleri, antea quam liquor per urethram exeat. Usque adeo fallax magister est minus circumspecte captum experimentum: & tamen hoc solo debili fundamento nixus D. de Graef, non veretur, tantæ eruditionis & experientiæ virum, quantæ D. van Horne erat, domum suam invitare, ut ei ostenderet, quod in rerum natura non erat. Mihi certe gratissimum esset illa ratione a D. de Graes invitari, nisi animus a jurgiis & contentionibus plane abhorreret. Nihil ergo ad rem facit, si dicamus vesiculas seminales duabus distinctis aperturis in urethram patere; sed hoc demonstrandum erat, easdem cum deserentibus communicare, id quod D. de Graes nunquam essiciet. Etenim ratiociniis uti in rebus ubi structura partium & experimenta consulenda sunt, nec non dicere, eundem liquorem in eodem ductu, ob intrinsecam partium agitationem contrario cursu hinc inde ferri, haud secus ac homines Lutetiæ Parisiorum & alibi per eosdem vicos vel plateas eunt redeuntque, id vero nihil aliud est quam arcem arenæ imponere, quam supervenientes sluctus veritatis sacile subvertunt.

Omnem ergo communicationem nego; unde necessario sequitur plures una seminales materias esse. D. à Horne non semen triplex, quod D. de Graef eidem assingit, sed materiam seminis triplicem statuit. At vero omnibus bene perpensis quadruplex mihi in homine materia esse videtur, ex qua semen constituatur: quarum prima ex testiculis; secunda ex sine deserentium; nam & hæc materiam seminalem secernunt; tertia ex vesiculis seminalibus; quarta ex pro-

statis prodit.

In multis animantibus, tauris scilicet, erinaceis, talpis, muribus majoribus, aliisque, hoc perspicuum est, & magis quam in homine apparet: & erinaceorum quidem vesiculæ seminales nonnunquam ipsis testiculis quintuplo majores, & artisciose admodum fabricatæ sunt: idemque ferein talpis muribusque majoribus obtinet, quod tum demum apparebit ubi observationes nostras in publicum emiserimus: interim si qui sunt rerum naturalium amatores, hæc talia apud me videre poterunt. Porro quod dicimus vesiculas spermaticas semen secernere, exeo, me quidem Judice, perperam insert. D. de Graef supervacuam esse testiculorum structuram: certe enim hoc ei attendendum quam maxime erat, Deum in omnibus

B.

corporis partibus æque mirabilem esse, id quod ei vel ex sola arteria spermatica liquere potest, cujus structura, ut in homine simplex & uniformis, ita in tauris stupendi operis & artificii est.

Jam in supradictis animalibus itidem quatuor distinctæ partes sunt, in quibus materia seminalis conficitur: at vero specialiter determinare, utra earum in generatione prædominetur, id meo quidem judicio dissicile dictu est. Propiortamen vero sententia serri posset, si quam facile testiculi eruuntur, tam in proclivi esset, salvis testiculis vesiculas vel prostatas eruere, quod genus experimenti D. de Volder, Philosophiæ in Academia Lugduno Batava Professor, non sine magna ratione mihi proposuit.

Penis quoque structura plena est admirationis. Corpora enim nervosa, extrinsecus quidem dura sunt, interius plane
cavernosa (ferè ad eum modum quo Pulmonum cavernulas
depinxit Malpigius) per quas cavernulas oberrant arteria cum venis. Imò tota urethra cincta est ejusmodi cavernoso corpore. Adeo ut facilè nunc sit intellectu, cur tam magna adsit in pene tensio, & tam impetuosa seminis per eundem ejaculato.

Penis quoque structura. Decennium jam est ex quo circa structuram penis in canibus occupatus sui, occasionem suppeditante Harveo, qui sanguinem calidum innatum, humidum primogenium & spiritum vocat, id quod prosecto consideratione dignissimum, & sortenimis verum est. Verba ejusdem exercitatione Lxx. de calido innato hæc sunt: Nec opus est spiritum aliquem à sanguine distinctum quærere, aut calorem aliunde introducere, Deos ve in scenam advocare, philosophiamque sictis opinionibus onerare: domi namque nascitur, quod vulgo ab astris petimus. Ergo, ut exprimentum quoddam in materia spirituum cap erem, nulla mihi commodior via videbatur, quam

quam ut penem canis examinarem : etenim cum erectio penis maximam partem a spiritibus dependere credatur, visum fuit, eundem jam tumentem, statim ut semen ejecerat (quod contra quam D, de Graef sentit, aqueum & subtile est, & momento ejicitur) ligare, sperando, sore ut secundum commu-nem sententiam aliquos in eo spiritus deprehenderem, aut certe secundum Harvei opinionem nihil nisi sanguinem invenirem. Quid fit? Facta ligatura, & altera venarum penis aperta, quam octodecim, & quod excedit, valvulis præditam esse videbam, non nisi oppido purus & floridus sanguis, qualis arteriarum, prodibat, ut jam erectionem penis non nisi a sanguine dependere mihi satis constaret. Quare aliquanto tempore post istiusmodi experimentum, injecta ope siphonis per arteriam aqua, feci, & ea occasione structuram illius partis detexi; quod tamen aliquanto commodius siet, si penem aëre postea adimpleas, & siccatum cultro dividas, cujus methodi speciem postea Lugduni anno MDCLXVII in ædibus D. vander Marck, præsentibus D. D. de Wilde & Guequier exhibui.

Aliam quoque & infallibilem methodum hic proponere poteram, qua mediante penis, clitoris, aliæque partes etiam læsæ, aëre adimpleri possunt, quod propriè illud experimentum est, cujus copiam sibi sieri D- van Horne petiit, uti postea ex literis ejusdem patebit. Sed de his prolixe in anatomicis meis curiosis agam, ubi eadem opera docebo, quomodo vesiculæ seminales præparandæ sint; quarum unam penes me servo, cujus structura admodum curiosa est, & tribus distinctis locis in vas deserens inseritur.

Sed multo etiam plura circa penem adferri a me poterant, quæ lubens in aliud tempus differo. Interim nonnullos balfamo infectos exhibere possum, & præ cæteris duos erinaceorum penes, per quam curiosos: quod genus animalis nodum in capite penis, ubi erigitur, acquirit, qualem canes dum coëunt in medio sui penis obtinent. Penis preterea caninus pe-

B 2

nes

nes me est, anno MDCLXIII. a me præparatus, cum suo nodo circa medium: ut & penis humanus, cujus nervus, arteriæ, & venæ cum suis ramis mirabili naturæ artisicio arborem sere exhibent.

Porro notandum hic est, si penem erectum liges & vivum canem aperias, motum excitari mirabilem musculorum, inter & per quos arteriæ ad penem decurrunt, quod ipsum D. Stenoni, anno MDCLXXII. Lugduni Batavorum ostendi, Ejusdem generis motus, sed aliquanto illustrior videre est, in talpis semen excernentibus, quod illis quandoque accidit ubi vivi aperiuntur. Observatione quoque dignissimum, est, in his animantibus non epididymidem modo, sed vesiculas etiam semi nales (quas oppido magnas habent) suos particulares musculos, quibus cinguntur, obtinere: quorum priores cum cremastere conveniunt, & ex quibus de motu seminis jam paulo tutius judicium ferri posset, quam hactenus factum est; utut firmum apud me sit, motum illum maximam partem a sanguine dependere, & semen nisi tempore coitus, vel ob similes causas non excernivel moveri, quo tempore, ut ajunt, omnes partes corporis, non sine extensione membrorum, eriguntur, & incalescunt, qua ratione omnes musculi, partium, præcipue seminalium, & penis, motum fortiorem acquirunt, qui nostra quidem sententia non nisi propellendo è pene versus ejus caput in venas sanguini inservit, ideoque cum musculis aliis omnibus, qui antagonistam non habent, quod ad usum attinet, convenit.

Pergo ad partes Genitales Muliebres, in quibus notabilis est vasis præparantis distributio triplex, ad uteri sundum scilicet, ad Tubam atque ad Testem. Notabilis quoque est anastromosis arteriæ bypogastricæ ascendentis per latera colli, Sarteriæ spermaticæ descendentis. Verum dum ascendit arteria, capreolata est, atque serpentino dustu inslexa (ut scribit Arantius Observat. Anat. c. 35. de arteria cæliaca) at-

que --

que uteri vaginæ lateribus agglutinata: unde decepit multos post Laurentium, qui lib. vii. cap 9. existimat bunc
esse meatum per quem seminis materia in gravidis ad collum uteri profunditur. Quamvis enim seminalem bumiditatem in coitu cum voluptatis sensu emittant mulieres;
illa tamen non è testibus buc pervenit, sed ex ipsa glandulosa osculi uteri interna substantia, per multos minutosque
meatus exprimitur benesicio spiritus per arteriolas & nervos affluentis.

Quid ergo, Testes conferunt mulieribus? Plurimum profecto, Sproinde cum hoffmano Institut. lib. 2. cap. 44 non sunt
habendi pro cadaveribus Testium, imo ab ipsis totum generationis opus materiale dependet: quod enimest ovarium in oviparis, sunt Testes muliebres, utpote qui perssecta ova intra
se contineant, humore scatentia, Spellicula propria circum-

cincta, qualia adbuc domi asservo inflata.

Pergo ad partes genitales muliebres: D. van Horne, absolutis partibus genitalibus virorum, transit ad partes genitales mulierum, qua in re usque adeo accuratus est, ut explicatione opus non sit: quare pauca annotasse sufficiet Interim si qui sunt, qui in his talibus veritatem scire desiderant, adeant siguram D. van Horne, nuper a me publico datam, & uno intuitu plus prosicient, quam longi temporis discursu.

Cæterum, quia de fide illius figure dubitari poterat, quandoquidem uterum ipsum, cujus ideam refert, exhibere non possum: en tibi hic adjectas duas alias figuras, quas conferre cum archetypo vel utero ipso apud me, vel si occasio aliter ferat, scire ubi uterus exstet, qui volet poterit. An vero D. de Graef, qui aliquodannis post D. van Horne prodromum edidit, idem præstare, & siguras suas ipso archetyporob orare possit, id vero tempus docebit, Quicquid sit, certum est, duas illas siguras venarum & arteria-

2 run

rum, quas mense Junio a. MDCLXX. penes ipsum vidi cum re ipsa non convenire, id quod tunc præsens præsenti dixi. Etenim venæ & arteriæsuam quæque seorsim siguram exhibebant, quod utrum sieri possit, nec ne, uterus meus docebit; quare sepositis minime sucatis & obsequii plenis literis, quas super hoc negotio ad ipsum dedi, & quas, ob rationes soli ei notas responso dignatus non est; pervelim scire, quinam illi sint, qui malevolo animo proprium commodum cum ipsius detrimento, ex siguris, quas exhibuerit,

quærere satagant.

Quid alii velint, aut ipse suspicando perperam harioletur id me non tangit: & ut quod sentio ingenuè eloquar, jam tum edico, me in rebus anatomicis nemini, & vix ac vix quidem ipsis meis oculis credere: nec est quisquam, cui in rebus, quæ experimentis innituntur, in quibus explorandis aliquam mihi facultatem attribuo czcum assensum przbere velim: ac ne ipsi quidem oculatissimo Malpigio, cui præ cæteris hujus zvi Anatomicis plurimum tribuo, idque ob accuratam & curiosam illius Viri industriam, sed vel maxime ob integritatem ejus & sidem, quæ in his, de quibus tractat, perspicue elucet, & cujus incomparabilis ejusdem liber de Bombycibus illustre testimonium perhibet. Eo tamen non obstante, (quandoquidem pluribus experimentis mihi constat, quam facile veritati vis fiat, ubi alienis potius quam propriis oculis videmus) levi in speciem argumento ductus, omnes D. Malpigii figuras ad examen vocavi: & quanquam moleftissimum sit illud sectionis genus, & aliam quam vulgaris anatome administrationis methodum requirat, omnem tamen illum laborem, motus gravitate, rei, patienter in me suscepi: & prosecto nec labor, nec judicium me meum fesellit; non enim errata modo aliquot in figuris hic illic observavi, sed eadem etiam opera graviora quædam detexi. Præcipuum in quo siguræ magni illius Viri a vero aberrant, in partibus virilibus spermaticis & spinali medulla situm est. Ad primum. quod

quod attinet, non testiculos modo alieno loco ponit sed siguram etiam ipsam mentem concepisse videtur; cujus erroris
hæc mihi ratio sese offert, quod cum eximere ex hoc corpusculo partes illas longe tenerrimas, salva naturali connexione,
non potuerit, exemtas, ut commodum visum suit, disposuit
alioqui aliter sese hæc offerunt, quam sigura docet: præterquam quod vesiculas, quæ liquido sese offerunt, & a testiculis
plurimum distant, nec ullam in bombicibus cum vasis deserentibus communionem habent, silentio præteriit; quod
cuivis sacile demonstrare potero, cum partes illas integras

apud me servem.

Alterum ejus erratum in figuris in eo situm est, quod medullam spinalem, cerebro in bombice naturaliter annexam seorsim & sine cerebro adumbravit : cujus erroris hæc ratio est, quod ipfe fatetur, cerebrum se in bombice nullum reperisse; qui error errorem alium peperit, scilicet suum cuique annulo in bombice cerebrum adesse, id quod detecto jam cerebro corruere necesse est. Et hæc quidem omnia satis patebunt, ubi observationes de his rebus meas jam tum absolutas in lucem edidero. Sed enim quia id, quod sub manibus est, necessario præmittendum est, aliqua de his experimentis subjicere animus est. Ergo cum Dn. Malpigio non respirare tantum bombices, sed ramos etiam tracheæ, ubi vermis pellem mutat, cuticulam intra corpus deponere statuo, quo aliquoties' peracto, ramificationes tracheæ quasi in vesiculas dilatantur, & structura earundem flaccidior evadit, quæ omnia ex observationibus meis propius patebunt, ubi eadem opera certam & infallibilem methodum præscribam anatomiæ insectorum convenientem, adjecta descriptione instrumentorum ad hanc rem necessariorum.

Usque adeo etiam præstantissimorum virorum operasuis nævis non carent, id quod movere nos debebat, ut seposità omni proprià laude & vanà glorià, communibus studiis & mutua charitate conjuncti, indagandis naturæ secretis ope-

ram daremus. Quantillum enim est, quod scimus, præ eo quod latet! Facessant ergo hinc, qui cum ipsi quod in cummune conferant non habent, aliena pro suis venditando, laudem industriæ aliis debitam, per summum nesas sibi arrogant.

Me quod attinet, ut omnibus bonis de ingenuitate mea constet, libentissime id quod hactenus expertus sum in publicum conferam. Invidi enim animi signum est sibi soli servare, quod prodesse pluribus possit. Et certe non unius hominis est, cuncta, quæ hujus vel illius rei anatome requirit, exequi. Communibus studiis, opus est, & communicatione methodi, nec tamen eo minus semper aliquid deerit: semper aliquid addi poterit. Cum primam manum D. Malpigii rebus admoverem, quod methodum quâ usus erat ignorarem, deploratum mihi videbatur illud negotium : singulis momentis simul industriam tanti Viri & integritatem mirabar : sed successu temporis, & forte alia methodo factum est, ut omnem hanc difficultatem superaverim: quanquam nullus dubitem plura a me prætermissa esse; sedhæc laurus glorioso primo in ventori suo jure debetur, cui etiam hoc cum multa gratiarum actione acceptum refero, quod primus tot & tanta naturæ miracula detexit. Sed redeamus in viam.

Quomodo autem bæc ova intra uterum suscipiantur, & actuentur à semine virili, postea in Tractatn meo exponam Neque enim res ea tam absurda videbitur, ac prima fronte apparet, præsertim apud eos qui Tubæ uterinæ (in brutis vocantur cornua) constitutionem norunt: aperta enim est intra uterum, atque altera sui extremitate flatum liquoremque in susum emittit, seseque expandit, diductu simbriarum, instar orificii Tubæ æneæ: porrò magis probabile erit boc dogma iis, qui legerunt aut observarunt aliquando sætum intra hasce Tubas repertum suisse. vid. Riol. l. antbrop. c. 35.

Quomodo autem bæc ova intra uterum suscipiantur.

Quo-

Cum nihil non in utero admirandum sit, valde tamen insolens auribus nostris & mirabile videtur, si dicamus, mulieres ovarium habere, & instar quorundam aliorum animantium ova ponere: nec tamen eo minus apud me certum est, testiculos mulierum instar ovariiesse, & structura sua cum reliquis animantium ovariis convenire. Etenim ovarium, quod in avibus, nec non quadrupedibus quibusdam, chamæleonte scilicet, lacerta, aliisque botri siguram refert, in testiculis mulierum ceu uniformi & continua membrana occlusum est, eandemque botri speciem exhibet, sed ob membranæ illius interventum oculos & aspectum sugit, & alioqui unumquodque ovum suum peculiare indumentum habet, quo mediante sit, ut se mutuo non tangant.

In ranis & salamandris aquaticis, quarum unam balsamo infectam servo, hoc ovarium aliam plane structuram obtinet: utut enim ova omnia, haud secus atque in mulieribus, una communi membrana conclusa sint, ova tamen illa sese mutuo tangunt, & præterquam quod nihil inter ea intercedit, ipsa etiam membrana, quâ cinguntur, exiguo slatu distenditur.

Contra vaccarum aliorumque animantium testiculi suam cum testiculis mulierum convenientiam habent.

In felibus, tam domesticis, quam zibethi, minus inter ova substantiæ reperias, quod ipsum in causa est, cur ova in hoc genere animantium per externam membranam magis protuberent: idemque in muribus majoribus, & nonnunquam in testiculis mulierum apparet, ut in priore mea sigura videre est.

Et certe varium est naturæ circa has partes artisicium. Etenim sunt animalia, perca, sc. lucius, nec non insecta quædam, in quibus ovarium reperias, desicentibus utero & cornubus, ut jam ovarium uteri simul & cornuum vices subire videatur Quin in piscibus, perca præsertim, hoc notatu maximé dignum est, lactes eorundem, si usum & structuram spectes, vesiculas seminales accurate referre, absentibus testiculis & prostatis, ut vel hinc usus vesicularum seminalium satis manifeste appareat.

D. Steno, qui primus quod sciam hoc ovarium divulgavit, anno MDCLXX. mihi retulit, mulas testiculos quidem habere, sed ovis carere, ut jam facile sit de causa sterilitatis earun-

dem conjecturam capere.

Magnitudo horum ovorum in mulieribus non sempereadem, & figura nonnunquam oblonga & irregularis est, ut Michaël Rupertus Beslerus, in sua nunquam visa delineatione, admirandæ fabricæ uteri muliebris anno MDCXL. editâ demonstrat, sed ita ut glandularum seu vesicularum, semen prolisicum continentium, non ovorum eis nomen indiderit. Certé, raro admodum ejusdem magnitudinis hæc ova, & talia reperias, qualia ego, & forte primus priori mea figura exhibui. Ac ne in virginibus quidem eadem omnium magnitudo est, sed alia aliis majora sunt : quod ipsum nuper peritissimus anatomicæ rei D. Stalpert vander Wielliteris quoque suis ad me perscripsit, & plures Anatomici testantur. Præterea observatum est a me, ova quandoque in ovario citra ullam connexionem plane libera inveniri, cujus generis unum penes me est, sed minus rotundum.

Circa membranam, quæ ova in testiculo amplectitur, notandæ sunt nostræ inventionis venæ & arteriæ, quas a vasis (ut vocant) spermaticis accipiunt. De externa quadam membrana loquor, quæ ova in ovario occlusaamplectitur, & quam alia communistesticuli membrana ambit, nec absimilis est illi membranulæ, quæ ova gallinacea amplectitur & in ovario

decidentibus ovis videre est.

Præter memoratam hanc membranam ipsum quoque amnion, chorion & principium placentæ & fœtus, nec non primum ejusdem alimentum ovo inesse crediderim, utut non nisi aqueo humore repletum esse videatur, qui ut non unius semper ejusdemque coloris est, ita decoctus quandoque concrescit, quandoque non item: Et sapor quidem ejusdem, cum manifestas qualitates nullas habeat, vix, ac ne vix quidem describi potest.

Admiratione dignum est, nigrum illud punctum, quod in ovis ranarum videre est, ipsum ranunculum omnibus suis partibus absolutum; albicantem vero & circumsusum illum liquorem non nisi alimentum ejus esse; quod ipsum sensim dilatatum ita attenuatur, ut exire cum velit possit; ut jam satis manisestum sit, D. Harveum naturam horum ovorum malè concepisse, dum immaturi & impersecti seminis nomen iisdem imponit. Magis mirum est, hunc ipsum ranunculum in ovario usque adeo exiguum ortus & incrementi sui principium habere, ut serè visum essugiat, utut ipsum animal sub hac tantula mole delitescat.

Et hoc quidem vel ideo annotandum duxi, ut convenientiam majorum animalium cum minimis demonstrarem, in quibus majestas Dei non raro magis manisesta est, quam in maximis; nec minoris artificii minimorum animantium structura est, quam maximorum: atque adeo hujus mei corporis structura non magis miranda est, quam vel abjectissimi cujusque pediculi. Sola anima nostra est, qua lumine sidei illustrata, Dei ideam exhibet, atque hoc solo intuitu animantia alia omnia superamus, & spretis, qua circa nos sunt vissibilibus, domitisque propriis assectibus, citra ullum aliud subsidium Deó creatori nostro adharemus.

His ergo, quæ de ovo diximus suppositis, ut jam antea anno clo de lexix, cum de insectis agerem, monui, nullus mihi in rerum natura generationi, sed soli propagationi vel incremento partium locus esse videtur, ubi casus omnis excludatur: quæ si vera sunt, ut ego quidem nullus dubito, explicatu facilimum est I. cur qui brachiis pedibusve caret, propagare setum omnibus partibus absolutum possit: omnes enim partes ovo continentur. jam 11. vetus illa & samosissima quæstio, an ad persectionem setus requiratur seminis ab omnibus corporis partibus assums, ob eandem rationem facilime solvitur: & 111. hinc perspicue patet, qua ratione Levi, longe ante nativitatem suam, decimas solvisse dicatur, cum proavosuo

Abrahamo occureret Melchisedecus: nimirum in lumbis parentum suorum erat, & omnes animalis partes ovo insunt. Et iv ipsius etiam originariæ corruptelæ sundamentum, eruditissimi Virijudicio, cui conatus & experimenta nostra subinde patent, jam inventum esset, cum quicquid est hominum in lumbis Adami & Evæ occlusum suerit: quibus ceu necessarium consequens adjungi posset, exhaustis his ovis humani generis sinem adesse. Sed enim quia hæc ejusmodi arcana sunt, quæ captum nostrum superant, cumque ea intellectus nostri imbecillitas sit, ut longe minimam partem eorum, quæ in oculos incurrunt, percipiamus, nedum ut ea, quæ non nistratiocinando colliguntur, satis assequamur, nonnulla de motu ovi ex ovario in uterum subjiciemus.

Pereruditus, & experientia Clarissimus Vir, D. Carolus Drellencourtius, Medicinæ practicæ, & Anatomiæ in Academia Lugduno Batava Professor ordinarius, in literis suis ad me datis multo maximæ dissicultatis opus esse putat, hunc motum ovi ex ovario in uterum debito modo demonstrare: eandemque dissicultatem mihi movet doctissimus D. Stalpertus vander Wiel, Med. Doct. & Anatomicus Hagiensis: D. Steno tanti hanc dissicultatem facit, ut dubitet, an ovum, vel ma-

teria ovo contenta in uterum deducatur.

Sed felicissimus D. Theodorus Kerckring, qui aliquot annis post D. Stenonem & D. van Horne, horum muliebrium ovorum mentionem facit, & Fallopium laudat, ut hunc ovi motum demonstret, novum quoddam, & mihi hactenns minime obvium vas ejaculatorium statuit, & contra visibilem viam, qualis est tuba Fallopii negat, eamque cæcam esse asserit, cum tamen in virginibus æque ac maritatis pateat.

Quomodo tamen cunque hanc rem verses, gravis certe & ardua hæc quæ movetur difficultas est. Me quod attinet, quandoquidem nullum ova singula particularem, nec universa communem ductum habent, per quem materia ovo contenta vel ad uterum, vel tubas patentes Fallopianas deducatur,

ta-

primo interiore ovi in testiculo membrana, & successive communi & exteriore testiculi; quo sacto, ovum a cavitate tubæ patentis excipiatur, & porro motu peristaltico ad uterum deducatur, & humor ovi dilatatus, reseratis membranis, nec non placenta uterina utero annectantur, id quod in brutis sacili negotio demonstrari posset, si Mecænates adessent, quos

hæc cura propius tangeret.

Tubam patere, id vero probatione nulla opus habet. Omnis circa motum ovi ex ovario in & per tubam difficultas versatur. D. Stenout ex eo coram accepi, observavit, tubam naturaliter & semper super testiculo vel ovario sitam esse, sed citra connexionem: id quod tamen hactenus deprehendere non possum, idque ob eam forte causam, quod remotis intestinis aliisque obstaculis, tuba, quæ ovario annexa non est, & musculos quibus testiculum vel ovarium versus moveatur nullos habet, loco mota fuerit. Ergo eadem difficultas manet. Interim liquido apparet tubam intus fibrosam esse, quod ipsum in causa est, ut credam, eandem sese, vel quod eadem continetur movere posse. Præterea, certum est, cornua uteri in brutis, quibus cum tubis plane convenit, motu non destitui, quod primus animadvertit Harveus, & postea observatum est a me. Sed ne hoc quidem difficultatem tollit, ut jam non obscura modo, sed ferè indissolubilis mihi hæc quæstio videatur.

Interim non dubito, quin ovum ex ovario in uterum per tubas transeat, utut motus illius ratio me lateat, & orificium vel apertura tubæ trium digitorum latitudine ab ovario distet.

Quare cum usque adeo obscurus sit hic motus, serè in eo sum, ut aliquod hac in re subsidium petendum putem ab ovario, & infundibulo vel oviductu illorum animantium, quæ ova ponunt, qualia sunt gallinæ, anates, aliaque.

Sed ne sic quidem satis expedita res, nec minor in his, quam mulieribus obscuritas est. Etenim ne in prædictis quidem

C 3

anı-

animantibus ulla inter ovarium & infundibulum connexio est, ut jam ovum ex ovario in uterum casu deferri videatur.

In ranis, quæ una vice undecies centena ova ponunt & in quibus ova singula sese mutuo per insundibulum seu o-viductum subsequuntur; ut anatome docet, eadem dissicultas est: cum orificium cornuum uteri vel tubarum duorum circiter digitorum latitudine ab ovario distet, & non modo valde angustum, sed etiam immobile sit, nec applicare sese ad ovarium, ut in avibus & sexu muliebri, possit, quæ omnia motum hunc ovi ex ovario in tubam & uterum ex obscuro obscuriorem reddunt.

Cæterum quod in gallinis nonnunquam sieri observavimus, ut infundibulum membranosis suis expansionibus ipsum ovarium amplectatur; Idem in mulieribus tempore conceptionis, ubi ovum deponitur, accidere, & tubam applicatam orificio suo ipsum ovum excipere credemus, tantisper dum meliora succurrant.

Et inveniuntur quandoque in ovario mulierum quæ pepererunt, istiusmodi cavitates & vestigia, in quibus deli-

tuisse, vel per quæ transiisse ova videri poterant.

Atque adeo minor in nonnullis animantibus, præsertim vero selibus hæc dissicultas est, cum ovarium in illis a membrana dimidia sui parte patula excipiatur, quæ prope aperturam tubæ invenitur.

Alia, & aliquanto major difficultas occurrit circa fœcundationem horum ovorum: quæ fœcundatio vel conceptionihil aliud esse videtur, quam perfectioris motus communicatio, ita, ut ovum, quod in ovario & nutriebatur & vivebat, post conceptionem, ovario relicto, perfectiore modo, atque ita nutriatur & vivat, ut jam ipsum sese curare & sustentare posse putandum sit. Sed enim quia hæc fœcundatio fortè non nisi ratiocinando, & difficulter admodum per experimenta demonstrari potest, cupidum lectorem ad eruditissimum D. Harveum relegabimus, qui in suo de generatione animalium hæc omnia suse prosecutus est.

Quæri porro poterat, quo temporis spatio ovum sœcundum ex ovario in uterum penetrare possit, & an fœtus trium dierum naturaliter detur; item an virgines quandoque ova ponant, quæ omnia D. Kerckringius determinat. Sed etiam in his curiosum lectorem ad ea remittimus, quæ prædictus D. Harveus circa cervas, damas & pennatorum ova observavit, & maximam attentionem merentur. Interim pervellem, unicam illam D. Kerckringii observationem accuratius aliquanto examinatam fuisse. Sane fœtus, quos exhibet, si staturam corporis respicias, nonnihil abeunt ab his, qui frequentissimè per abortum a mulieribus excluduntur: & menstruum fœtum servo, qui D. Kerckringii trium hebdomadarum fœtum non superat. Sed forte præter rem erit his diutius immorari, cum non tempus modo conceptionis haud raro incertum sit, sed natura etiam non semper easdem in magnitudine corporis leges servet.

Fætum intra hasce tubas repertum suisse: Similimam huic relationi historiam, de sœtu scilicet intra tubam reperto, resert Harvæus, lib. de gener. anim. exc. LXIV, Et plane rejicit opinionem illorum, qui Tubas Fallopianas non nist vasa semen deserentia aut reservantia esse statuunt, easdemque jure meritoque cornibus cæterorum animantium proportione respondere asserit. Verba ejusdem hæc sunt: In

Muliere dux tubx prope cervicis exortum in cavitatem ejus perforatx, non habentur vulgo cornibus analoga, sed a nonnullis

Anatomicis vasa spermatica, ab aliis spiramenta uteri, ab aliis vasa semen deferentia, aut reservantia censentur: tanquam essent de genere vesicularum seminalium; cum tamen revera cor-

nibus uteri caterorum animalium proportione respondeant, ut liquido patet ex situ, connexione, amplitudine, persoratione,

similitudine, at que etiam officio: quemadmodum enim alia animalia semper in cornibus concipiunt; ita etiam mulier aliquan-

do reperta est, quæ sætum in cornu sive Tuba illa gereret, ut Doctissimus Riolanus ab aliis observatum meminit, E nos etiam propriis oculis conspeximus. Ex quibus liquet, quam imprudenter D. Isbrandus de Diemerbroek, lib. 1. cap. XXIII. sua Anatomes, hoc anno editæ, asserat, Johannem van Horne deceptum suisse circa speculationem, ut vocat, suam, de ovario. Quibus præmissis porro in hæc verba prorumpit: Miror certé, si hac res certissima, & multis experimentis ut scribit Riolanus, comprobata sit, quod tam pauci, imo nulli alii, quod scio Anatomici, aut Medici illius uspiam mentionem faciant; quod nobis quoque (qui etiam in mundo aliquid vidimus,) aut alicui nobis noto Anatomico, simile quid nunquam occurrerit: imo, quod nec ipse celeberrimus Riolanus hac de re sibi ullam visam experientiam proferat, sed totam fidem ex duorum triumverelatu solummodo confirmet. Non minus miror, quod Deusingius, in genesi microcosmi, bujus apocrypha insomnia pro authenticis bistoriis recipiat, at que super iis, fundamentum aliquod de constitutione seminis exstruere velit : quod eadem etiam, tanquam veritate sirmata, admittat Joh. van Horne. Hactenus D. Diemerbroeck; cui, ut est multæ eruditionis & experientiæ Vir, facile largimur, quod aliquid, imo longe plurima in mundo viderit. Sedenim cum præallegatum D. Harvæi testimonium non viderit; cum perforationem tubarum cuivis obviam non viderit; cum, ut ipse fatetur, lib. 1. Cap. XXX. occasionem secandi cadavera mulierum gravidarum non habuerit, mirum non est, eundem id, de quo hic agitur, non vidisse. Haud leviter quoque hallucinatur idem. D. Diemerbroeck, dum lib. 11.cap. 111.de diaphragmate scribit, me in tractatu meo de Respir. sect. 1. cap. 11. Sc. scripsisse, diaphragma se extendendo thoracem dilatare: nam expressis verbis dico: In aëris inspiratione diaphragma è fornicato planum fieri, atque sic recedens ab otiofa sua curvitate thoracem se contrabendo, etiam absque aliorum musculorum inspirationi dicatorum interventu, solum per se ampliare, & quæ sequuntur. Sed redeamus in viam, & audiamus D. van Horne.

Non est quoque vera assertio Spigelii aliorumque, statuentium ligamenta Uteri rotunda concava esse, quinimò nibil aliud sunt quàm minutissima arteriola, peculiari involucro donata, ut securius pergant extra abdomen ad pinguedinem pubis & femoris partis interna.

Clitoris in muliere parilem habet cum pene virili structuram, nisi quod urethra caret. Sed cui usui inserviat, libenter à Te discam, si otium suerit expendere hasce Observatiunculas,

Tuumque super eare judicium promere.

Ligamenta rotunda. Quis eorundem & clitoridis usus sit minus mihi dictu difficile videtur, quam D. van Horne putat. Solius enim titillationis usum præbent, quam ob causam urethra in viris æque ac fœminis cavernosa est, & sanguinis imptilsu distenditur, ut partes omnes reliquæ circa orificium vaginæ, ubi inferius aliquanto nymphæ & porro prope clitoridem alia duo cavernosa corpora occurrunt, quibus in priore nostra designatione nomen crurum internorum clitoridis haud absurde (ut opinamur) imposuimus cum in nonnullis subje-Etis cum clitoride conjuncta videantur. Præterea, quod ad hæc ligamenta rotunda attinet, notandum est, non omnia eorundem vasa circa clitoridem terminari, sed aliqua ex his ipsum ex utero sanguinem denuo ad inferiora deducere, quod in postrema sectione mea observare mihi contigit; ideoque solers natura valvulas illis in locis inverso ordine locavit, ut regredi fanguis ad uterum nequeat, eo qui in figuris meis videre est modo.

Doleo, quod ob sculptoris inertiam, aliquas saltem & præcipuæ notæ figuras addere non licuerit, quibus modo di-Eta graphicè depinguntur.

Doleo quod ob sculptoris inertiam. Hic benignus lector facile videt, quando prior mea figura concepta sit: at ve-

ro quo jure a me edita sit, id vero postea patebit.

Interim pro iis, qui oculari inspettione veritatem horum comprobare cupiunt, ad manus sunt particulæ, ita præparatæ, & asservatæ ut possint curiositati satisfacere eorum, qui non cavillandi sed discendi animo aliquando accedent.

Interim pro iis, Per particulas illas præparatas testiculos taurorum, nec non penem virilem & uterum muliebrem, eorumque partes intelligit, quarum aliæ apud D. a Frisshem, aliæ apud me exstant. Accessit nuper curiosissimum hymen balsamo a me insectum, & attentione dignissimum, idque vel ob plurimas quæ de eodem moventur quæstiones. Hymen hoc, quod è corpore virginis, quæ seipsam suspenderat, exemi, planum illum & persoratum annulum quam proximè resert, qui vitro in tubis opticis submittitur, & omnem ulteriorem tubi aperturam claudit. Eadem enim ratione hæc persorata membrana in virginibus tubum vaginæ vel collum externum uteri claudit.

Coronidis loco hoc addam, oculari demonstratione me exhibere posse ingressum chyli in Venas Mesaraicas vulgares. Hac paucula sufficiant, Vir Celeberrime, in prasens. Ego autem animitus rogabo Deum Opt. Max. ut vegetam Tibi porro concedat senectam. Scribebam celeri calamo Lugd. Bat. 5. Martii st. n. anni 1668.

Coronidis loco, Quod vel quale hoc experimentum suerit, id sæpius ex D. van Horne quæsivi, atque is mihi semper respondit, communicatis studiis id tentatum esse à nobis: quare, ut brevibus rem totam explicem, nihil hoc aliud erat, quam constrictio, vel ut vocant ligatura venarum mesaraicarum, cujus benesicio easdem chylo repletas videbamus, argumento a colore illius humoris ducto. Etenim, sanguis


quandoque velut striatus & albis lineis permixtus, qua ndoque ceu punctis notatus apparebat & erat; cum nihil nisi purus chylus adesset. In vena portæ sæpius chylum etiam non ligata, vidimus, & ex eadem extraximus, & plurimas mesaraicarum chylo repletas vidimus. Arque hoc illud experimentum est, de quo D. van Horne loquitur; cæterum Lectoris judicium esto: plurimas enim circa hoc negotium difficultates moveri posse video: quanquam nullus dubitem, chylum in mesaraicas procedere, id quod in anatomicis nostris curiosis latius explicabimus, ubi eadem opera, quantum quidem in nobis est, hepati suum sanguisicationis munus restituemus, eoque majorem applausum hanc meam sententiam inventuram spero, quod nemo hactenus demonstrare potuit, chylum usque in lacteas primi generis deferri; ideoque in ea sum sententia, non nisi albicantem lympham esse, quicquid in lacleis videmus, & ex glandulis intestinorum procedit, quæ succum suum ab arteriis accipiunt. Cur id hactenus perspicue demonstrare nequeam, aliquot in causa difficultates sunt, sed quas me superaturum non dissido, exhibiturus in omnem eventum experimenta illa & rationes, quæ me in hac sententia confirmant.

Antea quam figuras meas explicem, curiosam historiam subjicere animus est, qua vis imaginationis in gravidis clare demonstrabitur. Ultrajectina mulier, cum gravida estet, nonnulla in usus domesticos a propola petitura, ubi domum intrat, Nigritam vel Æthiopem videt; quo aspectu supra modum exterrita, ut jam loqui non posset, domum se suam recipit, nihil minus cogitans, quam fore, ut sœtum ederet plane nigrum. Sed recollecto ut sit animo, contra fortem hanc imaginationem ab æque forti imaginatione remedium mutuatur, plane considens, calida omnem nigredinem detergeri posse. Ergo domum rediens, statim suscitato igne calidam parat, & corpus totum à capite ad calcem probe perluit. Quid sit? Cum jam tempus puerperii adesset, infans

fans nascitur, dentibus omnibus integris, & totus candidus, exceptis illis partibus, ad quas aqua, cum ablueretur, non pertigerat, quales sunt interstitia digitorum in manibus pedibusque, nec non aliqua corporis loca, ubi manisesta nigredinis indicia & maculæ nigræ apparebant. Infantem ipsum non vidi: jam enim obierat: sed matri,

quicquid hic retuli, debeo.

Aliud etiam, dum his scribendis intentus animi relaxandi gratia Amplissimi hujus nostræ urbis Thesaurarii D. Roeterdi Ernesti, nec non D. parentis mei, aliorumque conclavia vel musea perlustro, sese mihi offert, minoris fortê momenti, sed quod, me judice, attentionem meretur nihilo minorem. Etenim rariora D. Volkerti Johannis cimelia versans, turbinem video, cochleæ (quales ostreorum) incumbentem, atque ita adnatum, ut superior testæ pars, sub qua piscis habitaverat, quasi oneri cedens nonnihil intus protuberaret, cæteroqui glabra & undequaque integra: cum e contra inferior testa, cui nihil cum turbi. ne commercii erat, exteriore sua facie perfectam turbinis ideam, atque ipsum etiam ejusdem colorem referret. Dicas aliquid hic imagnationi analogum subfuisse, cum nihil aliud ratio suppeditet, quod producere istiusmodi essectum in opposito conchæ latere potuerit. Sed tempus est ut his missis uteri siguram brevibus explicemus: & prior quidem tabula uteri puerperæ anteriorem, posterior vero posterio-rem ejus faciem exhibet. In priore notanda sunt quæ sequuntur:










Figura I.

A. A. Arteriæ

B. B. Venæ spermaticæ utriusque lateris, in

tubas uterique fundum disseminatæ.

C. C. Arteria & vena Spermatica, in utrotroque latere corpus pyramidale constituentes & quam maxime ab illarum structura abludentes, quas in tabula Nobilis. Tulpio dicata nuperime exhibuimus.

D. D. Membranosa uteri ligamenta, alis vespertilionum assimilata, per que vasa sper-

matica ad tubam disseminantur

E. E. Tubæ Fallopianæ eleganter conspicuæ.

F. F Orificium in utroque latere

G.G. Rotunda & inferiora uteri ligamenta.

H. Locus, a quo venæ & arteriæ horum li-

gamentorum originem trahunt.

I. Valvula venarum ligamenti rotundi, regressum sanguinis versus uterum impediens

K. K. Arteriæ bypogastricæ utrinque

L. L. Venæ bypogastrica. Caterum quandoquidem tortuosæ venarum & arteriarum propagines difficulter admodum characteribus designari possunt, in gratiam eorum, qui cuncta accuratius rimantur, arterias à venis rubro colore secrevimus.

M. Corpus seu fundus uteri.

N. Cervix seve processus uteri, in cujus extremitate internum uteri orificium sese conspiciendum offert

O.O.O. Arteriæ in fundo uteri capreolorum

vitium instar intortæ

P. P. Copiosæ venæ per uteri tunicam protuberantes. & ob variam earundem anasto mosin insignes.

Q. Vagina seu collum uteri exterius.

R. Vesica urmaria, loco suo mota atque ita disposita, ut arteriæ tortuosis gyris vaginam percurrentes, in conspectum venirent: quam ob causam vasa quoque ejusdem vesicæ aliquanto quam par erat longius depi-

S. Urethræ seu fistulæ urinariæ insertio in col-

hum uteri.

T.T. Ureteres ad collum uteri descendentes.

V. V. Ureterum insertio in vesicam.

X. Urachi portio.

Y.Y. Arteriæ umbilicales.

Figura II.

Virginis pudendum recens è corpore exemptum delineat.

A. Clitoridis extremum glandi virili respon-

B. Præput um clitoridis.

C.C. Labia pudendi.

D. D. Nymphæ five ale.

E. Orificium meatus urinarii vel urethræ.

F. Caruncula orificium urethræ occludens & variis fissuris referta.

G. Hymen seu claustrum virginale, vera vir-

ginitatis nota.

Figura III.

Virginis pudendum una cum clitoride exficcatum demonstrat

A. Clitoridis summitas glandem penis referens.

B. Præput um clitoridis.

C. C. Labia pudendi.

D. D. Nymphæ.

E. Crificium meatus urinarii.

F. Hymen seu virginale claustrum eleganter conspicuum

G Hymenis foramen oblongam rimam aliquo

modo referens.

H. H. Clitoridis crura per medium dissecta, ut interior eorundem fungosa cavernosaque Substantia in conspectum veniret.

I Fistula urinaria prope vesicam abscissa.

K. Uteri collum abscissum.

Figura IV.

Hymen in secunda figura lit. G. & in tertia lit. F. notatum, separatim ostentat.

A. Orificium seu foramen hymenis, rimam oblongam quodam modo referens; id quod propter contractam exsiccatamque carunculans F. in secunda figura expressam accidit.

B. Apertio pro hymene in urethra.

Tabula II.

Uteri puerperæ posteriorem faciem ostendit.

A. A. Arteriæ, &

B.B. Venæ spermaticæ utriusque lateris, quæ postquam testibus ac tubis plurimos ramulos dederunt, versus uteri cervicem cum hypogastricis arteriis atque venis notabiles patiuntur anastomoses.

C.C. Arteriæ & venæ in utroque latere corpus pyramidale constitu-

entes.

D. Verum fæminarum ovarium seu testis sinister, propria sive communi tunica involutus.

E. Membrana quæ dextrum testem tegebat ab eodem separata, ut arteriarum ductus ad ova (quorum minima bic tantum modo delineavimus) commode perspici possent.

F. F. Membranosa uteri ligamenta, alis vespertilionum assimilata, per quæ spermatica vasa ad tubam

disseminantur.

G.G. Uteri cornua, seu processus teretes, a matricis fundo sursum versus, tubarum instar protensi, quos Anatomici vulgo ejaculatoria vasa esse arbitrantur, sed male: cum per eorundem tortuosas cavitates ova ex ovaria in uterum pro-

volvantur.

H.H. Rotunda & inferiora uteri ligamenta in utroque latere.

I. Locus à quo arteriæ & venæ dictorum ligamentorum originem trabunt.

K. Valvula.

1.1. Arteriæ bypogastricæ utrin-

M. M. Venæ bypogastricæ in utroque

latere.

N Corpus seu fundus uteri.

O. Cervix five processus uteri.

P.P. Arteriæ in fundo uteri, capreolorum vitium instar eleganter intortæ.

Q. Copiosæ venæ sub uteri tunica extuberantes, & suas binc inde

anastomoses habentes.

R.R. Vulva, seu collum externum, vel vagina uteri, quæ ab externo pudendi ostio, ad internum matricis orificium extenditur.

S. Urethra seu fistula urinaria, prope pudendum simul cum vagina ab-

scissa.

T.T. Vesica urinaria facies infe-

V. V. Ureteres ad vesicam descendentes.

Y. Urachi portio.

Z. Z. Arteriæ umbilicales.

Et ita quidem exterior uteri puerperæ facies sese habet. Cæterum quia minimas venarum propagines in utraque hac figura non adumbravi, quod nec ipse uterus a me præparatus easdem referret, ut quas alio artisicio in conspectum producere necesse est; ex re visum suit, priorem meam uteri virginalis figuram, anno MDCLXXI. Nobilissimo Tulpio dicatam hic inserere, ubi minores illi venarum arteriarumque propagines exactè repræsentantur. Et certe peropor-tunè accidit, ut cum ipse uterus virgineus, cujus ideam se-quens hæc tabula resert, casu perierit, alius sese mihi uterus benigniore casu obtulerit, qui debito modo præpara-tus, a priore oppido parum recedit. Et ut verbo, quæ in hoc utero recens præparato memorabilia occurrunt, ab-solvam; etiam minimos arteriarum ramusculos hic videbis, ea ratione præparatos, ut ad detegendos illos, quod in anatomia cadaverum quandoque accidit, microscopio opus sit. Et rami quidam venarum arteriarumque reliqui mira-bili naturæ artisicio constant, sed multò quam in puerperis vel quæ aliquando pepererunt minus tortuosæ sunt. Jam ligamenta quoque rotunda cum venarum arteriarumque sub illis transitu valde hic conspicua sunt. Tubæ autem earumque simbriæ cum ipsis recens exemptis elegantia certant, & optime cum sequente figura conveniunt: ac, quod maxime mirum est, nonnullæ harum simbriarum unius lateris, cum alterius lateris simbriis coëuntes quasi arcum quendam super tubam constituunt. Nonnullæ etiam exiguos in extremitate lapillos habent, & innumerabili venarum arteriarumque numero dotatæ sunt, quæ, ubi sanguis recessit, nervorum specie incautos sallere poterant: idemque in venis, quæ alas vespertilionum pertranseunt, obtinet. Sed pergamus ad explicationem siguræ.

JOH. SWAMMERDAMI

Hæc figura uterum virginis repræsentat, & cum prodromo D. van Horne conferenda est.

A A. Vasa spermatica utriusque la- O. Tuba uteri dextra inversa, ut teris, ab exortu ad Testem, Tubam, O Uteri fundum desinentia.

BB. Vena & arteria spermatica, in utroque latere corpus pyramidale

constituentes.

C. Testis sinister, seu dicti lateris verum fæminarum ovarium cum transparentibus ovis.

D. Vena & arteria spermatica in te-

stem disseminata.

EEE. Membranosum uteri ligamentum, assimulatum alis vespertilionum, per quod spermatica vasa

ad Tubam disseminantur.

FFFF. Vasorum spermaticorum cum hypogastricis vasis per latera colli crispatim ascendentibus, sub Tuba & ligamento rotunda, in utroque latere unio.

GG. Vena hypogastrica utrinque.

HH. Arteria hypogastrica in utroque latere.

IIII. Demonstratio anastomoseon arteriarum uteri.

KKKK. Implicationes venarum u-

LL. Tuba seu cornu uteri sinistrum.

M. Tubæ foramen amplum ac apertum, una cum fimbriis pannum attritum concinne amulantibus.

N. Membrana Testis dextri separata er revoluta, ut spermaticorum vaforum ductus ad ovarium & ova commodius cernantur.

tanto melius ejus ampla capacitas, per quam ova ex ovario in uterum provolvuntur, in conspection ve-

P. Fimbria Tuba dextra uteri.

Q. Uteri fundus obscure protuberans.

R. Uteri fundus paululum apertus.

S. Patentes transversim discissorume vasorum copiosa ora in uteri sub-Itantia.

T. Pars membrana intestinum rectum

operiens.

VV. In utroque latere inferiora & rotunda uteri ligamenta, qua nihil aliud sunt, quam, prater membranam cui inharent, minutissima arteriola & venula, qua ad clitoridem & pinguedinem pubis propagantur.

X X. Clitoridis crura externa.

Y Y. Clitoridis crura interna.

ZZ. Vasa in clitoridem dispersa.

a. Vesica paululum ad latus dextrum à loco suo remota.

B. Colli vesica prope clitoridem inser-


CCCCCCC. Vreteres.


DD. Vreterum in vesicam insertio.

e. Hydatis.

ff. Venarum valvula.







CAPUT II.

Generalem quandam methodum exhibet, qua uteri, aliaque corporis cavitates ita praparari possunt, ut genuinam suam faciem exhibeant, co-archetipi loco inserviant, designandis earundem siguris.

Naturæ opera, utut æterna sint, & mirandam artisicis sui manum mirisicè ostentent, si propagationis beneficium demas, quo mediante in statu suo conservantur, corruptioni obnoxia sunt: atque hoc non solum in plantis & vegetabilibus, sed in ipsis quoque sensibilibus locum habet, id quod Anatomici nunquam non experiuntur. Quare ab omni ævo id actum est, ut commodis remediis huic corruptioni obviam iretur, & partes illæ, quæ nos in admirationem sui rapiunt, per aliquot annos integræ servari possent.

Et in hac quidem arte conservandi corpora earumve partes nostro tempore præ aliis emicuit piæ memoriæ D. van Horne: nec temere quenquam invenias, qui visa ejusdem curiosissima intestinorum præparatione ingenium tanti Viri non suspexerit: idemque sat scio facient, qui reliquias eorundem apud Dn. a Friesbem, piè desuncti hæredem virundem apud Dn. a Friesbem, piè desuncti hæredem vir

dere dignabuntur.

Proximum ab hoc locum D. de Bils occupavit, qui musculos totius corporis exsiccando, & balsamo inficiendo industriam suam probavit; sed præter hæc plura forte promisit, quam præstare posset, id quod non ob prægnantes modo rationes, sed vel maximé ob ea, quæ ipse mihi ore proprio, & Guetshovius retulere, optimo jure suspicari me arbitror.

Hunc D. Stalpert vander Wielexcepit, discipulus D. van Horne, sed utroque major; ut qui rara arte simul corpora balsamo insicere, & conservare, nec non venas a carne, pinguedine, & parenchymate purgare, cavitates corporis aëre adimplere &, quod omnium curiosissimum, & nulli quod sciam hactenus datum est, ipsa etiam humentia cor-

po-

pora in aëre exsiccare novit : quarum rerum videndi copiam

cuivis petenti leberaliter indulget.

Sequitur ordine D. Ruysch, Chirurgiæ apud Amsteledamenses Prælector, iisdem sere artibus dotatus, cujus accurate consectas res, & corpora, quivis Anatomiæ studiosus bis sin-

gulis septimanis modico ære soluto inspicere potest.

Restat ut methodus, qua hæc omnia peraguntur publici juris fiat, qua in re meo more perficienda nunc occupatus sum, id agens, ut secretam quandam operandi rationem tradam, qua mediante abstrusissimas quasque corporis partes, quod vel curiosissimi hactenus præstare non potuerunt, in apricum producere liceat: & quomodo qualescunque corporis partes citra apparentem aperturam aëris beneficio expleri, exsiccari, & conservari possint. Ac non id modo in Anatomicis nostris curiosis docebimus, qua ratione subjectum hoc vel illud per mediæ æstatis tempora quinque vel sex septimanarum spatio conservari possit, id quod sactu facilimum judicamus; Sed quomodo venæ, aliæque cavitates læsæ, vel adapertæ, ad perfectam rotuditatem, magnitudinem, & naturalem suam saciem deduci, & exsiccatæ ita exhiberi posfint, ut eandem semper formam servent, nec concidant : quibus omnibus probe perceptis cuivis licebit venas pulmonum, hepatis, lienis, aliarumque partium, quas hactenus non nisi collapsas, planas, & occlusas, videre licuit, apertas, atque ita præparatas exhibere, ut interior earundem constitutio, valvulæ, scilicet, aliaque liquido videri possint. Et certe vereor ne fidem inventurus sim, si recensendis singulis, quæ molior diutius immorer: si cui tamen hoc tanti videbitur, me adeat, & D. a Friesschem, & eorum quæ dixi specimina videbit. Et apud D. Friesschem quidem hepar, lienem placentam uterinam, nec non funiculum umbilicalem, cum sua placenta aliaque meo more, & per me præparata videbit. Et profecto venæ ibi & arteriæ eo modo præparatæ sunt, ut omnes in admirationem sui rapiant, cum hactenus nemo illas nisi pla-

planas, occlusas, invisibiles, ignotas, & extra naturalem situm exhibuerit. Hochepar, de quo loquor, jam antea anno clo D C LXVII. publice in theatro Academico Lugdunensi à D. van Horne non sine admiratione omnium exhibitum est: & huic Viro, quod me iterum iterumque profiteri non piget, perfectionem conatuum meorum fere omnium debeo. Notandum autem est, tum temporis hoc hepar tegendi artificii gratia vitro obductum fuisse.

Inter ea quæ penes me sunt, ductus thoracicus plane mirabilis & optime præparatus est: nec non ductus cholidochi, & arteriæ hepatis & alia, quæ singula recensere velle longi & tæ-

diosi sermonis esset.

Interim ut aliquod hujus rei & commune quasi specimen edamus, quod quivis experiri facile possit, en tibi leve primo intuitu, sed magni in rebus Anatomicis momenti artificium, quo vasa omnia, ipsique etiam capillares rami in utero muliebri ita præparantur, ut non in conspectum modo pro-deant, sed archetypi loco esse possint, designandæ veræ & in-

fallibili uteri figuræ.

Recipe ceræ albæ quantum videbitur, eamque liquefactam rubro, flavo, viridi, vel quo alio colore, qui vel magis arridet, vel rei convenientissimus est, tinge, & siphone, qui cochlea adstrictum tubulum habeat properanter excipe, & in ramum venæ vel arteriæ uteri majorem injice, cavendo, ne intercedens aër progressum ceræ impediat; ac ne quid impedimento sit; sanguinem antea quam operi te accingas ex venis, quantum quidem sieripotest, exprime, utut rami majores alias facilime distendantur: & perinde est, sive per arteriam spermaticam vel hypogastricam cera injiciatur: idemque in venis obtinet, tantum ut valvulæ obtuso stylo pertundantur, quo facto una injectione venæ uteri omnes, earumque partes vel ab uno latere impleri possunt: idemque in arteriis sieri potest, si tamen visibiles earundem anastomoses satis magnæ sint, nec aer progressum ceræ impediat. E 2

Tam

Jam quanti momenti hæc injectio ceræ sit, facile videbunt, qui siguram uteri, quam hic exhibeo, cum ipso utero cera repleto conferre volent: utut enim omnia quam accuratissime depicta vel designata sint, uterus tamen ipse omnem sculptoris industriam mille modis superat. Hic venarum arteriarumque naturalem situm, cursum, insertionem, principium, & quicquid natura miradum & attentione dignum produxit, nec sine ingenti molestia oculis subjici potest, li-

quido videbis.

Plura de usu hujus nostræ inventionis nunc quidem non addam, facturus id alias, idque ob eam maxime rationem, quod nunc id agimus, ut partes uteri singulas, & methodum, qua in præparando utero usus sum, demonstrem: qua eadem opera id assequemur, ne alii, quod nimis nunc frequens est; nostra sibi tribuant: quanquam eandem hanc methodum jam aliis Dominis, fautoribus & amicis exhibui, & quidem anno clo DCLXVI. D. van Horne & D. Slado: anno clo DCLXIX & LXX. Dominis Thevenot & Stenoni: nec non eodem anno Amplissimo D. Consuli a Beunigen: & anno clo DCLXXI post accuratissimo Chymico D. Laurentio Fos, D. Witsen aliisque, qui omnia hac ratione à me præparata cum maxima attentione perlustrarunt. Et certe, citra hanc vel aliam istiusmodi inventionem, cujus generis plures à nobis suppeditari possent, impossibile ferè est in curiosa, & si id dicere licet solum vera anatomia quidquam præstare. Atque hoc ipsum probe animadvertit Illustrissimus Anatomicus D. Marcellus Malpighius, qui infusione argenti vivi in venas, tinctis colore humoribus, & (quod multo ante ab Amplissimo D. Johanne Hudden mihi communicatum est.) partes ejusdem coloris, diversi coloris humoribus imbuendo, longe plurimum profecit. Quin ipse etiam ego hac mea methodo id assecutus sum, ut non majores modo, sed minimos quoscunque ramos arteriæ hepaticæ, quæ carne nudari nequeunt, & numero forte plures sunt, quam ramificationes venarum portæ & cavæ simul junctæ, haud difficulter detegere potuerim. Quare, cum tot in hepate arterias, minutas quidem, sed conspicuas videam, valde miror, accuratum D. Glissonium & oculatissimum D. Malpigium arteriam hanc hepaticam parvam vocare, dum Glissonius in anatomia sua hepatis ait : Postremonulla bujus arteriæ (loquitur autem de hepatica) pars in bepatis parenchyma exporrigitur, utimanifeste in bepatis excarnatione videre est: & propterea in vasa solum absumitur. Quin etiam si toti bepatis parenchymati inserviendo destinata esset, debuisset saltem sextuplo major extrui, uti manifeste constabit, si bepatis aliarumque partium dimensiones comparaveris: quippe in istis etiam multo minoribus, majores arteriæ reperiuntur. Quamobrem sic habendum censeo, arteriam hanc in vasa hapatis plane absumi. Malpigius, qui longe post Glissonium de hepatis structura scripsit, in illustri suo de viscerum structura tractatu hæc habet: Ulterius in hepate eum servat natura morem, ut portæ propagines arteriarum vices suppleant. A quibus ne latum quidem unguem discedit D. a Diemerbroeck, Professor Ultrajectinus, qui cum in recens edita sua annatomia ex Galeno adduxisset, arteriam hepaticam in cavam ejus partem se conferre, libro. 1. cap. x111. de hepate agens ita statuit: Ratio Glissonii sententiam omnino confirmat: nam kapatis substantia vix arteriis opus habere videtur, cum sanguis ei satis copiose affluat per venam portæ (que bic arteriæ munere fungitur) qui ei ob substantiæ suæ propritatem convenientior est ad nutritionem propriam, & fermenti biliosi confectionem, quam arteriosus. Hactenus illi: quæ qualia sint, (quod quidem ad arteriam atinet) ex iis, quæ modo a nobis dicta sunt, facile est discernere. Quanquam ne in eo quidem satis nobis convenit, quod D. Malpigius, & post eundem D. Diemerbroeck hepatis usum in sola confectione bilis consistere putant, cum nostro quidem judicio præcipuum hepatis munus in sanguificatione consistat, id quod aliquando probaturos nos confidimus.

E 3

Jams

Jam vero illud etiam deprehendo, tot fere numero ductus cholidochi esse, quot vena portæ ramisicationes habet, eos-demque pari cum vena portæ & arteriis ratione præparari & oculis subjici posse. Alia tamen in præparando methodus servanda est, quam in anatomicis meis docere, & siguram arteriarum, venæ portæ & ductuum cholidochi exhibere animus est.

Plura circa cerebrum, pulmones, lienem pancreas, stomachum, & intestina, eademque haud parvi momenti detegenda restant: & quæ circa vasa spermatica in viris hactenus tabulis anatomicis designata sunt rem aliqua tantum ratione tan-

gunt.

Intestina quod atinet, jam tum aliquod ejus visceris specimen, & particularem siguram edidi, ut in Anatomia reformata D. Bartholini recens edita videre est. Idemque anno clo locux v 11. circa stomachum demonstravi, ut ex observationibus nostris à Commelino editis patet, ubi stomahum totum glandulosis tubulis refertum esse docetur: quod ipsum in in-

testinis quoque locum habet.

Et sane asserere ausim, nullam partem humani corporis æquè nobis notam esse ac nota nobis esse poterat: & ut propius ad scopum nostrum redeamns, siguræ vasorum spermaticorum à D. de Graef aliisque exhibitæ non nisi caute & cum judicio accipiendæ sunt, quod in non nullis partibus a nobis præparatis oculariter demonstrari potest: id enim agimus, ut quæ in anatomicis subtilissima sunt oculis subjici, & à quibus sensu ipso perspici possint: & jam de eventu nobis constaret, nisi majores quam pro ratione facultatum nostrarum sumptus requirerentur.

CAPUT: III.

Quo ostenditur experimenta D. van Horne circa partes generationis in utroque sexu mihi quoque deberi & quicquid circa editionem prioris uteri sigura sactum est, jure à me sactum esse.

Cum vergente anno clo IoclxvII. Leidam ad assumendum Doctoratus gradum venissem, præter D. Professorem Sylvium, ipsum etiam D. van Horne, Anatomiæ Professorem allocutus sum: cum exeo, quod anno clo IoclxII. & LXIII. collegiis Cl. illius Viri intersueram, aliqua mihi cum eo notitia intercederet; & statim Vir candidus nunnulla ex me quærere cæpit, quæ ei obscuriora videbantur in tractatu D. Stenonis de musculis, cum quo celeberrimo Viro Lugduni Batavorum anno clo IoclxII. amicè, & postea annno clo IoclxII. Lutetiæ Parisiorum samiliariter, & iisdem aliquandiu in ædibus vixeram. His pro virili, atque ita solutis, ut verba rebus sirmarem, porro à me petiit, ut sibi in difficilioribus rebus anatomicis quandoque auxiliatrices manus præberem: id quod ego indesessa Viri diligentia, & nunquam satis laudata experientia motus, eidem haud difficulter promisi.

Atque hinc superficiaria, quæ inter nos intercesserat notitia, in amicitiam, & amicitia sensimin verum & vulgari majorem affectum degeneravit: nec ille unquam permisit, ut quoties Leidam venirem, alibi quam apud se diverterem, & qua erat humanitate, omnio mihi veræ amicitiæ & hospitalitatis officia prolixè exhibuit; quo nomine ejusdem jam demortui memoriæ hoc qualecunque grati animi testimonium me debere prositeor. Et certe nullum postea alicujus momenti sebjectum ei oblatum est, ad quod dissecandum auxiliares meas manus amicè non invitaverit, ut literis ejusdem, si restanti esset, docere possem: & occurrebant nonunquam istiusmodi subjecta, ubi magna attentione opus non erat. Sed raro

operam sudunt, qui naturæ opera scrutantur.

Re-

Rebussic stantibus, cum ille mihi suas observationes, ego illi meas candidé communicarem; quæsivit ex me, essene aliqua ratio testiculos accuratius quam hactenus factum erat examinandi? Deliberato negotio visum est, à majorum animantium, vaccarum sc. & taurorum testiculis principium sa-cere.

Quare comparato tauri testiculo, eoque ut sit, improvidè læso, tubulus siphonis; quem manu tenebam, casu in aperturam fertur, quo animadverso, D. Prosessor à me petebat, ut aquam siphone contentam in testiculum propellerem; id quanquam nulli usui futurum arbitrabar, seci tamen, & ecce interior testiculi structura sese propalam nobis offert. Etenim aqua naturaliter perspicua intertortuosas slexiones albi & minime perspicuè tubuli seminarii propulsa, insignem & egregiam differentiam exhibebat: ut jam quasi catenatæ contortuplicationes tubulorum illorum spermaticorum nullibi melius quam in aqua sese ostentent. Et hæc quidem simplex, & nullo præmeditante, sed solo casu inventa operandi ratio ansam nobis dedit, ut omnem reliquam testium structuram utriusque sexus scrutaremur.

Anno clo locuxiii. præsente D. Sylvio, celeberrimo medicina prastica apud Leidenses Prosessore, dum intestinum restum ranæ, casu, & quasi invitus aëre repleo, eadem ratione uterum & vesicam urinariam casu detexi: id quod postea occasionem mihi præbuit plura inveniendi. Quæcunque enim casu accidunt, si eadem ratione denuo pertrastentur, eundemque essectum sortiantur, indubitatæ sidei experimenta censenda sunt: idemque obiter omnes, qui experimentis capiendis operam dant, moneo ut omnes sortuitos casus observent; non ob utilitatem ejus rei modo, quæ magna est, sed etiam quia res maximæ ut plurimum non nisi casu inveniuntur, nec

semper tutum est ratiociniis nostris inniti.

Sed ut ad propositum nostrum redeamus, dum res nostræ eo pede procedunt. & in perscrutandis dictis partibus occu-

patisumus, sactum est, ut D. van Horne proponerem, structuram venarum & arteriarum beneficio injectæ rubræ vel virentis ceræ detegi posse: cujus rei cum in arteriis experimentum secissemus, momento oculi citius omnem earundem plane admirandam, & plus quam artificiosissimam structuram perspicere nobis licuit: & hinc accurata illa harum partium descriptio profluxit, quæ in prodromo D. van Horne videre est.

In vermibus & erucis, quod genus insectorum maximam partem humidissimi corporis est, commodissimam semper hanc operandi rationem deprehendi: quapropter vivo etiam adhuc D. van Horne hanc agendi methodum me publicè propositurum in meo de insectis tractatu promisi: & omne artisicium in eo consistit, ut facta circa finem caudæ apertura expressisque intestinis, cutem erucæ intestinis vacuam, immisso in aperturam siphonis tubulo, liquesactà cerà adimpleamus. Cæterum ut quam accuratissimè omnia exhiberi possint, duabus opus est erucis, duobusve vermibus aliis, quorum hunc à capite; illum à cauda aggrediaris. Sed de usu & utilitate hujus rei alibi pluribus: & certe hæc aliave ejus generis non ipsi modo D. van Horne, sed aliis quoque amicis ingenuè exhi-buimus, & inter illos D. de Graef, cui anno clo lo c LXIII. non pauca in anatomicis curiosa demonstravimus, ut ipse in tractatu suo de usu siphonis fatetur: & usqueadeo hæcipsa D. van Horne placuere, ut cum evidens eorum utilitas esset, ceu liberalis, curiosus, & prudens Mecænas, omnem mihi opem liberaliter promitteret, perficiendis quæ ex usu videbantur.

Nec verbis defuit essectus. Etenim, cum sumtus omnes in se reciperet, & quæcunque à me parabantur sedulo & cum cura asservaret, liberum mihi ad intima anatomiæ adıtum patesecit; hoc solo contentus, quod hæc omnia quandoque in pu-

blicos usus redundare posse videret.

Nequeo mihi temperare, quin liberalitatem ejus in intolerandis sumtibus adducto aliquo specimine deprædicem. Follem, quales sabrorum, duplici cavitate instructum parabam,

F

quarum altera aërem excipiebat, exceptum altera efflabat. Extremitati ejusdem tubulus oblongus, cochleà adstrictus, adponebatur, quem globus æneus excipiebat, duorum capitum magnitudine. Tubulus ille, in corpore globi in tres vel quatuor alios minores tubulos abibat, qui orificio suo internam globi superficiem attingebant, & aërem à folle acceptum porro in globum deducebant; ab altero globi latere tubulus alius erat, qui exceptum eundem aërem emitteret, & cui diversæ magnitudinis & capacitatis tubuli alii cochleæ beneficio annectebantur. Universam follis molem ligneus tripes sustentabat, ut transferri de loco in locum posset: & ne dum in opere eramus, huc illuc vacillaret, adjecta erat lignea cochlea, cujus beneficio ad inferius & superius tabulatum astringebatur. Quod si jam ollam ignitis carbonibus repletam globo submitteres, quocunque aër expressus ferebatur, omnia exficcabat; ut jam sudorem commode excitare hoc instrumentum posset : adeoque ipse D. van Horne de eodem in sua introductione ad Chirurgiam, parte altera, sect. 2. paragr. 5. Adimitationem Sanctorii (inquit) excogitavi aliud instrumentum, follem nimirum, sed longo tubo donatum, in cujus medio globus sit rotundus, qui igniri debet. Transmissus per hunc globum & calefactus aër homini in lecto decumbenti, & laxiori, sed undique claus à subucula incluso, commodissime & citra lipothymiæ periculum large sudorem provocat. Atque hoc ipsum instrumentum etiamnum apud D. a Friesshem, ceu pie defuncti hæredem, videre est.

Longi sermonis res esset, cuncta exequi velle, quæ in anatomicis, sumtus suppeditante D. van Horne tentavimus, & quorum ego ut director semper sui, ita magnam partem designationum eorum exhibere possum: quare his missis, & debita liberalitatis laude prudenti huic nostro Mecænati

assignata, ad alia pergimus.

Detecta uti antea diximus, arteriæ spermaticæ sabrica, advenas, vasa lymphatica, vesiculas seminales, aliasque partes

Sla-

accessimus, & examinatis virilibus tauri partibus, muliebres examinare cæpimus. Primum in quo industriam nostram exercebamus, uterus muliebris erat, in quo examinando cum tubas Fallopianas conferrem cum infundibulo avium, & cornubus uteri in quadrupedibus, quæ ova habent, qualia sunt, chamæleontes, ranæ, lacertæ, salamandræ aquaticæ, & plura alia, quorum nonnulla vivipara sunt, ut lacertæ, disquirere mecum cæpi, essetne aliquod in mulieribus ovarium, vel quid aliud ovario simile. Etenim cum testiculi mulierum, si structuram eorundem respicias, magnam cum aliorum animantium testiculis convenientiam habeant, & viâ, qua semen ad uterum deseratur, careant; nec tamen eo minus Anatomicorum antesignani Volkerus Koiter, Besterus, aliique vesicularum, vel glandularum, semine repletarum, mentionem faciant, ubi exitus nullus patet; tandem D. van Horne juxta mecum sensit, vesiculas illas, quas nos ova vocabamus, per Tubas Fallopianas in uterum deferri, idque ob prædictam convenientiam tubarum cum infundibulo, oviductu & cornubus uteri aliorum animalium, nec non piscium & insectorum quorundam.

Interim dum ita in opere eramus, vaccarum quoque uterum, cornua, vel tubas, & ova examinando, deprehendimus,
ova illa cocta instar albuminis ovi gallinacei concrescere, uti
postea Nobilist. Viris D. a Beuningen & D. Six demonstravimus. Atque hac omnia, ea, qua sese offerebant ratione, ego
non annotabam modo, sed designando etiam adumbrare conabar, quas designationes, quod omnia mea cum amicis communicare soleo, D. Doctori Slado, tunc temporis designato
Professori Leidensi, sed quod munus ille subire detrectabat,
ceu amicorum prastantissimo ea lege Amsteladamum transmisi, uti ne cuiquam illas ostenderet, easque redeunti mihi
redderet, suturum scribens, ut D. van Horne illas certis thesibus comprehensas, & ordine descriptas, publici juris saceret, adjectis sub sinem epistola piis votis, quibus eidem D.

Slado in expeditione alterius muneris, quod ei post D. Deid manni obitum deserebatur, sausta omnia precabar: ad quæ Vir humanissimus statim ita rescripsit:

Amicissime Domine :

Literas tuas, quibus mihi omnia fausta precaris, & tam multa nova & bona transmittis, accepi. Faciam illis ut petis, nec tantum non divulgabo, sed etiam nemini monstrabo nisies tantum, cui tu cupis, quem sciam, ubi tu verbo indicare dignatus fueris. Sed quando D. van Horne de illis scribet, qua recenses? vel theses conficiet? Certe vellem te nibil ad me illorum, vel omnia (de iis loquor, qua ad testiculos pertinent) scripsisses, vix enim sero earum rerum sitim, addo & famen. Vale amicorum optime, & optimorum amicissime. x 1 v. Dec. Anamicorum optime, & optimorum amicissime. x 1 v. Dec. Anamicorum optime,

no. MDCLXVI.

Sed enim absolutis à me, uti dictum est, his delineationibus, uterus muliebris nobis anno clo lo clxv11. oblatus est, cujus venæ & arteriæ cerá ex præscripto artis repletæ, & debito modo præparatæ, mihi occasionem suppeditarunt, accuratam illam, quam vergente anno clo lo cexxi. edidi figuram, delineandi, & prænobili Viro D. Nicolao Tulpio, Confuli urbis Amstelædamensis dignissimo dedicandi. Et hic ille uterus est, de quo prodromus D. van Horne loquitur, & qui funesto casu ita malè acceptus est, ut reliquiæ ejus ne umbram quidem uteri referrent. Præterea ex re erit notasse, delineationem illius uteri factam esse cum adhuc madidus, & cera recens in madentes venas injecta esset, quod diversam ab exsiccatis uteris faciem exhibet, ut in quibus venæ & arteriæ multo magis conspicuè apparent: id quod in reliquis duabus figuris, quas hic exhibui, & quæ uterum plane siccatum, ac tum demum cerà præparatum exhibent, facile apparet. Interim inter alia rariora apud D. a Friesshem adhuc exstat tuba uteri, cum alis vespertilionum, nec non vasa spermatica alterius uteri cerà præparata. Econtra in meis manibus

Est arteria spermatica masculini sexus, optime in prodromo D. van Horne descripta, cujus arteriæ ipsa etiam capillaria vasa cera viridi repleta sunt. Venarum, quæ ibidem describuntur, aliquæ penes mereliquiæ exstant, nec non delineatio illarum partium, quæ aliquando sorte in lucem prodibit.

Omnibus probe examinatis petii a D. van Horne, ut theses inde consiceret & prævio hoc examine, nec non quibusdam circa genitalia virorum denuo perquisitis observationes nostras ederet: & quia cum doctissimo D. Nicolao Pechlinio, Médicinæ tune Studioso, nune Medico celebri, & tractatu suo de purgantibus notissimo, non exigua mihi familiaritas intercedebat, ab eodem, consentiente D. van Horne petii, ut in thessibus his desendendis respondentis partes in se susciperet, quod ille subenter admodum & perhumaniter mihi tribuit.

Nec vero hic præterire possum, me rebus sic stantibus, cum promotionis meæ causa Leidæ hærerem, siguras meas Clarissimo accuratissimoque Philosopho & Professori D. de Raei, præsente D. Slado exhibuisse, & observationum no-

strarum mentionem fecisse.

Sed quæ rerum humanarum inconstantia est, magna hæc consilia, moriente D. van Horne evanescere necesse suit, nec præter prodromum & pauca aliquot scripta de tanti Viri manu quicquam superest. Ipse etiam prodromus usque adeo sestinanter editus est, ut arteriam spermaticam non nisi in bobus examinare potuerit. Ergo, utut prædictus D. van Horne certo decreverit observationes nostras publici juris facere, & sama earundem jam ubique percrebuisset, atque ipse etiam ego D. Diemerbroekso Ultrajecti, D. de Graef Delphis, nec non Amstelædami pluribus id indicassem, nihil tamen essectum est: quod fortasse D de Graef occasionem dedit, nisi si memoriæ lapsu id sactum est, ut diceret apud D. van Horne altum de his silentium suisse; cum tamen D. D. Wannemakeri, D. Guequier, D. vander Marck, nec pauci alii contrarium testari possint, & sigurarum nostrarum partem non semel viderint.

Nec

Nec vero destiti, ex quo Leida, decesseram, & D. Pechlinium in Italiam abiturum cognoveram, D. van Horne serio monere, ut vel theses, de quibus inter nos actumerat, persiceret, vel brevem quandam descriptionem una cum figuris meis ederet: sed omnia in cassum; ut jam sufficere D. van Horne videretur, omnia, eo quo diximus modo, examinata, & præpatata apud se delitescere. Interim, ut aliqua ratione mihi satisfaceret, mense Majo, anni clo Ioclavii. Leida Amstelædamum, ubi paulo ante nos inviserat, ad mescripsit, eo qui sequitur tenore; ut jam ex hac ejusdem epistola, & subsequentibus aliis quivis sacile conjicere possit, quo jure figuras D. van Horne pro meis edam. Verba epistolæ hæc sunt.

D. JOHANNI SWAMMERDAM Medicina Docto-

ri, & amico honorando S. P.

Clarissime D. Doctor. Ab eo tempore, quo Amstelædamo sum profectus, non licuit adhuc, propter varia impedimenta & molestias de seriis studiis cogitare, Spero tamen propediem me pertexurum istam telam, quam circa structuram genitalium partium exorsus sum. Eam autém, quando nitide scripta est, ad te mittam, ut examines, si quicquam sit, quod dignum sit clarius exprimi. &c.

Quicquid tamen promitteret, omnia effectu caruerunt: quod ipsum in causa suit, ut missis his consiliis, quæ sub manu mea erant siguræ impersectæ manerent: Interim temperare mihi non potui, quin D. Slado, ordinario nosocomii Medico savente, quassama aliquando partes genitales virorum examinarem, & balsamo insicerem. Præterea videbam, arteriam spermaticam in Viris longe aliter sese habere quam in tauris: ac jam multo majorem partium genitalium, tam in viris quam mulieribus notitiam, acquirebam cuncta delineando; sed ita, ut nihil horum D. van Horne significarem; non tam quod ægrè ferrem istiusmodi moram, quam quod hanc ejusdem segni-

tiem fovere nollem: satis tempestivum hoc suturum putans, ubi jam operisese accinxisset; in quo tamen errasse me video. Interim xxvII. Augusti anno clo locexvII. has ad me dedit.

Clarissime, & amicissime Domine: Hactenus non licuit mihit propter impedimenta plurima hac urbe excedere. Interea curavi exstruendum cubiculum loco tibi noto, pro reponendis rarioribus meis Anatomicis: illud autem ferè ad umbilicum deductum est. &c. Exspecto avidè tuas figurarum de testibus delineationes: Mihi enim animus est, statim post elapsas ferias disputationem illam instituere, si Deo ita visum fuerit. &c.

Et cum responsoriis meis eidem signisicassem, dubitare me, an unquam quidquam de observationibus nostris proditurum esset, & si res aliter caderet, me in eo esse, ut alias etiam partes aliquanto quam hactenus à nobis factum erat accuratius examinandas esse putarem misso ad me embryone D. Stadum & me invitat, adjectà hac epistolà, data xx1. Novemb. M. DC. LXVII.

Clarissime at que amicissime Domine Doctor: Postquam ante quatriduum tibi misissem Embryonem &c. Spero jam te scrutatum esse illum Embryonem, & exspecto aliquid à tua diligentia & curiositate, quod vulgare non sit. Si subjectum suero nactus illic, tibi significabo, & ab hoc tempore te una cum Clarissimo Doctissimoque D. Slado invito ad istas epulas. &c.

Dum hæc de die in diem, ut dixi, differuntur, quartana corripior, quæ rei anatomicæ gustum apud me valde imminuit; & quia D. Sladus ordinarii Medici in nosocomio munus à se abdicaverat, ut jam aditus mihi ultra non pateret, coactus sui his studiis nuntium remittere. Interim D. van Horne obblatum est virginis phreneticæ cadaver, quæ seipsam in aquis sussociatione D. Sladum & me tribus distinctis.

1i-

50 literis domum suam invitabat; & cum Leidæ hererem, Magnus Etruriæ Princeps Cosmus 111. qui nunc serenissimi D. Parentis b. m. loco rebus præ est, Leidam venit, & cum D. van Horne observationum suarum circa testiculos mentionem faceret, urgente hoc negotium D. Principis Serenitate, maturaturum sese hoc opus serio promisit, sed nullo successu. Interim D. Marchettus, qui D. Principem comitabatur, D. Sylvio, D. van Horne, aliisque, exemplar myologiæ D. Stenonis obtulerat, anno clo locuxvii. Florentiæ impressæ. Id dum pervolvo, invenio eundem D. Stenonem, ubi historiam, dissecti piscis ex canum genere pertexit, breviter, & quasi compendio observationem nostram de testibus sœmellarum comprehendere. Verba ejusdem hæc sunt.

Inde vero cum viderim viviparorum testes ova in se continere; cum eorundem itidem in abdomen oviductus instar apertum notarim, non amplius dubito, quin mulierum testes ovario analogi sint, quocunque demum modo ex testibus in uterum, sive ipsa ova, sive ovis contenta materia transmittatur: ut alibi ex professo ostendam, si quando dabitur partium genitalium analogiam exponere, & errorem illum tollere, quo mulierum genitalia virorum analoga creduntur.

Hactenus D. Steno; quibus lectis rediit mihi in memoriam, me ante hac Leidæ, anno clo IoclxII. in Museo ejusdem D. Stenonis vidisse tubulos seminales testiculorum muris majoris. Quæ omnia cum D. van Horne renuntiassem, dici non potest, quam ægrè tulerit suam in edendis observationibus tarditatem: ideoque statim D. Stenoni scripsi nomine D. van Horne, amice petens, ne ægre ferret, si in his, quæ utrinque observata essent, à D. van Horne præveniretur: ad quæ Vir candidissimi pectoris Liburno 18. Martii anno clo locuxvIII. humanissime respondit:

Amice optime: Magno cum desiderio Clarisimi D. van Hora

Horne tuasque de testiculis observationes exspecto, tantumque abest ægre ferrem, me in eo à Præceptore & amico præveniri, ut sancte tester, me non modo ipsius mentionem facturum fuisse, si tum temporis mihi innotuisset; sed simul quo loco meas promitto, illius observationes publico fuisse promisurum.

Sed quam facilis D. Steno fuit in remittendo suo jure, tam D. van Horne generosus erat in repudiando quod ultro offerebatur, nec unquam induci potuit, ut edendo sua, quasi alienæ laudis æmulus videretur. Tandem D. de Graef, cum quo diu ante de occupationibus D. van Horne multus mihi sermo fuerat, eundem observationibus suis de partibus genitalibus virorum prævenit, otium sibi & occasionem defuisse dicens, quo minus genitalia mulierum examinare potuerit. Hujus Viri prodromus cum exiisset, D. van Horne binis literis à me & D. Slado quæsivit, quid rebus sic constitutis agendum esset. Sedenim quod tum temporis ab urbe abessem, & D. Sladus per meam absentiam respondere nollet, ille consilium in arena capit, & ut omnem materiam litium præscinderet, prodromum illum, de quo principio hujus operis egimus, ceu breve quoddam observationum nostrarum quindecim mensibus collectarum compendium emittit, nulla mei facta mentione, quod homini bene de me merito facile largior, nec unquam, quodquidem ad hanc rem attinet, in publicum prodiissem, si ea, quæ nunc exhibeo, exspectari à manu piè defuncti possent,

Sanè poteram alias etiam D. van Horne literas producere, quibus laudem observationum suarum mecum ultro communicat: sed non desunt rationes, quæ contrarium mihi persuadent. Quare cum in annis MDCLXVIII. & LXIX. totus in scrutanda insectorum natura suerim, nec quicquam tum minus quam anatomica tractaverim, aut delineandis istius modi siguris operam dederim; contentus ero tres quatuorve ejus dem D. van Horne literas per hæc tempora ad mescriptas adduxisses, quarum prior ipsis Calendis Maji, anno MDCLXIII. data est, hoc tenore:

G. Ami-

Amicorum optime; Tempus est ut rumpam claustra silentiis itatumet mibi ódumós quoties cunquè de te cogito, quod sanè persepe facio. Quotus qui sque enim tuo suavis simo contubernio non delectetur, Male sitisti febri, quæ invitis omnibus bonis tuo consortio adhuc fruitur, hac præsertim vernantis anni tempestate, quæ alias solet esse àdnisian. Sed dabit, Deus tibi propediem spero quod optamus. Nescio an Febris in causa fuerit quod ulteriores Tuas observationes circa muliebres partes non transmiseris. Accepi enim illas, quas circa viriles tibi placuit mibi communicare, de quibus tamen plene tuam mentem assecutus non sum, quia carebam delineationibus, quas rogo ut alia vice adjungas. &c.

Sequitur secunda, vigesimo sexto Julii ejusdem anni ad me data, quâ fasciculum delineationum per me obsolven-

darum transmittit:

Amicorum dilectissime: Forte fortuna ingressus cubiculum, in quo collegia babere soleo, offendo ibidem fasciculum delineationum tibi notarum, quas proinde ocyus ad te mitto, sperans te promissorum memorem forè, easque quamprimum obsoluturum, ut æri tradi possint incidendæ &c.

Eâ, quæ sequitur, & quinto Januarii, anno MDCLXIX. data erat, seriò id agere videbatur, ut quæ diu ante observata erant, tandem in lucem prodirent: & eram tum temporis, ut jam antea monui, aliis occupatus. Verba epostolæ hæc sunt;

Clarisme Vir amice dilecte: Postquam tibi gratulatus suero', ut & D. Parenti, fratri, sororiqué felicissimum novi bujus
anni auspicium, id solum dicam, me summa animi moderatione
exspectasse figuras illas, quas delineandas susceperas. Attamen cum audivissem Illustriss. D. Thevenotium Amstelædami esse, cujus sodalitio te conveniebat interesse quotidie, æquiore animo moram tuli. Nunc mibi è nosocomio oblatum est
subjectum virile, quod dissecare instituam, Deo annuente
crastino die dominico, post concionem pomeridianam. Rogo itaque obnixè, ut mibi digneris assistere, mibique secanti ma-

num porrigere. Aderit quoque Illustris. D. Thevenot, uti mihi ore tenus promisit. Avola ad nos quantocyus, & invenies stratum tibi paratum. &c.

A qua non multum abit alia ejusdem D. van Horne, octavo Martii anno MDCLXIX. ad me data epistola, cujus hæc verba sunt:

Clarissime & amicissime Domine: Nactus sum muliebre subjectum: si vacat excurrere, rem feceris gratissimam, Sed quaso simul adferas sigurarum dilineationes: neque enim audeo negotium hoc amplius procrastinare. Die dominico, hora pomeridiana muliebria vasa aggrediar separare, ut suna easdem possim ostendere.

Et hæ ferè sunt illæ literæ, quas postremis his temporibus D. van Horne illius negotii causa ad me dedit: nee diu postea supervixit, ut qui decimo quinto Januarii, anno MDCLXX. diem suum obiit, magna rei anatomicæ jactura, nec sine insigni meo mœrore, sed quem ut plura alia concoquere necesse suit. Interim hæctanti Viri præmatura mors documento mihi suit. nihil in rebus humanis eses e, cui tuto inniti possis, præter virtutem, & vana esse omnia, quæ huc nos non perducunt, quocunque etiam titulo sese commendent; ut jam illos tantummodo beatos æstimem, qui procul à metu & ambitione sua sorte contenti vivunt, & ipsi fortunæ suæ proram & puppim faciunt.

Scribebam Amstelædami, quinto Martii,

APPENDIX.

Ex his quæ jam dicta sunt, facile patet, Lector benevole, quod principium, quem successum & quem finem conatus & molimina D. van Horne, circa partes genitales virorum & mulierum habuerint: eademque ratione luce meridiana clarius patet, quo jure ediderimus illam, de qua supra egimus, uteri virginei figuram. Sed enim cum D. Steno, primus, quod sciam, partes seminales mulierum descripserit, ovarii mentione facta; atque ipse etiam D. van Horne eidem hujus inventionis laudem generose tribuerit, in utrumque injurii essemus, si quam D. Steno tanti corrivalis assensu & judicio promeruit palmam, alteri cuicunque tribueremus: & hoc ipsum in causa est, cur solidæ eruditionis Vir D. Henricus Oldenburg, Regiæ societatis apud Anglos Secretarius, anno MDCLXIIX, transactione trigesima quarta, de prodromo D. van Horne agens, lectorem ad D. Stenonem remiserit, utut ea quæ prodromo continentur, & hanc materiam porro spectant citra ullam inventionum D. Stenonis notitiam, a D. van Horne jam tum ita disposita essent, ut certis thesibus comprehendenda suerint. Sed quomodocunque hæc sese habeant, nemo opinor erit, qui neget; D. van Horne illum esse, qui primus docuerit, I. certam & perspecuam rationem distributionis vasis præparantis ad uterum, tubam & testes. II. Notabilem conjunctionem arteriæ spermaticæ cum hypogastrica, que serpentino ductu per latera colli ascendens, structura sua multis imposuisse videtur, putantibus, hunc seminalis materiæ ad collum uteri meatum esse. III. Plurimos minutosque meatus in glandulosa osculi uteri substantia. IV. Aperturam tubæ uterinæ in ipso utero, ejusdem-que usum, & qualemcunque cum cornubus brutorum animantium convenientiam. V. Primus D. van Horne docuit,

cuit, ligamenta rotunda non nisi ex venis & arteriis constare: & cum hæc omnia a D. van Horne jam antea, anno M. DCLXIIX. descripta, & anno clo LXXI mediante figura, quæ hactenus desiderabatur, à me illustrata sint, satis mirari nequeo, D. Regnerum de Graef in suo de mulierum organis tractatu, mense Martio hujus anni clo Ioc LXXII edito, illa omnia sibi non minus audacter quam impuden-ter arrogare, dum in dedicatione sui operis aliquid in pro-fessione sua artis hactenus irrepertum sese tradere jactat, & ubi semel veritatis limites transgressus est, sententiam D. van Horne, de ovi ex ovario per tubas Fallopianas in uterum transitu, cap. xiv. de oviductibus mulierum suam facere non veretur, & ceu plane novam venditat. Quin ubi longam seriem Clarissimorum Virorum nectit, qui de vasis deserentibus egerunt, solus D. van Horne, cujus prodromum, anno clo locixiix. emissum, vidit legitque, vel ut umbra volitat, nec dignus est, qui in hoc cœtu. Il-lustrium Virorum compareat: ac ne ipse quidem D. Steno, primus ovarii autor, aliquam in hoc judicio standi perso-nam habet. Taceo D. Kerckringium, qui anno ante dictum D. de Graef ichnographiam suam Anthropogeniæ edidit. Quod si jam quisquam quærat, quid hæc D. de Graef molimina sibi velint? in promptu erit responsio: nimirum, quia propriis destituebatur, alienis plumis opus erat, quibus sese exornaret. Interim tamen de capacitate hominis dubitare nemo potest, cum vasa lymphatica uteri, ingeniose, solius ope imaginationis adumbrare potuerit, insuper habita eorundem non parum diverso designatione, quam multæ experientiæ vir, & Chirurgiæ apud nos Prælector D. Ruisch dedit, & quæ capite LI. Chirurgicarum observationum accurati D. Johi gran Mahanan videra alt. Sodarina incensionale eurati D. Jobi van Mekeren videre est. Sedenim ingeniosa hæc D. de Graef adumbrandi ratio in causa est, cur minus fidei ei tribuam in vasorum uteri aliarumque rerum de-signationibus, ut quibus per omnia cum rei veritate non

G 3

convenit: idemque meus de foliaceo ejusdem tubarum ornamento (ita laceras fimbrias, tubarum Fallopii vocat) sensus est, ut quod nunquam ita dispositum vidi. Nec tamen negaverim, istiusmodi quid à D. de Graef exhiberi posse, quod ne mihi quidem difficile factu foret: sed sictitium hoc ornamentum tubis proprium esse, & quod D. de Graef sæpius iterata ejusdem designatione inculcat, ordinarie & semper in tubis reperiri, id vero pernego. Etenim in tot, quot dissecui, uteris, nihil istiusmodi vidi: nec inter uteros, quos penes me servo, temerè quen-quam invenias, qui aliquam illius ornamenti ideam referat: cum econtra uterum exhibere possim, qui simbrias Fallopianas pannorum attritorum, earundemque vasa usque adeo accurate refert, ut microscopia ferat, & miraculo sit intuentibus, nullo apparente foliorum istiusmodi ornamento. Et errat certe graviter idem D. de Graef, dum tabula XII. & XIII. sui operis, dissectis per medium utero & vagina, arterias & venas uteri contra naturæ & veritatis leges exhibet. Etenim, quod probè notandum est, tot in uno latere venæ & arteriæ inveniuntur, quot in altero: ideoque omnibus bene perpensis asserere non dubitamus, figuras ejusdem D. de Graef ad vivum (ut vocant) non adumbratas esse: & hæ temen figuræ illæ ipsæ sunt, quas vana gloria sese mihi ostendisse antea quam ederentur jactat: & vidi, sed culpavi: ipse tamen in epistola sua ad celeberrimum D. Schachtium illas quam accuratissime delineatas esse asserit. Ergo hanc gratiam Viro, praxi, & ut ipse quidem ait, commercio cum eruditis hominibus occupato tribuamus, ut quod ipse accuratum esse dicit, nos accuratum esse credamus, nec dubitemus, hactenus irrepertum esse, quod ipse edidit, utut D. Steno, D. van Horne, & tandem D. Kerckring longe ante illum plublicis literaram monumentis idipsum ediderint. Et de his quidem hactenus. Ergo ut concludamus, missis verborum ambagibus, si qui sunt, quos hæc cura propius

pius tangit, & qui ventosis D. de Graef, propositionibus decepti, quid aut cui credant non habent, nos adeant, & insigne discrimen inter siguras dicti D. de Graef atque rem

ipsam oculis animisque hauriant.

Interim, dum in eo sum, ut reliquas siguras, que desiderantur, una cum observationibus meis edam, te rogo quisquis es benigne Lector, & rogo serio, ne ex assectu dictum putes, quod experientia dictante dictum est: si quam enim præter hæc, quæ attigi, alia sunt, ut sunt cuniculorum brutorumque dissectiones tantum abest, ut ea improbem, ut multo potius albo calculo notanda esse, & industriæ laudem mereri statuam: & habet hoc exercitii genus suam semper utilitatem; nam & mihi, dum hæc scribo, contigit, in cuniculo invenisse clitoridem: ut jam nullibi non manisesta sint divinæ sapientiæ & summi vel in abjectissimis animalibus artisicii vestigia. Soli ergo Deo sit honor, laus & gloria in seculorum secula. Amen. Scribebam Cal. Maji, anno clo loclaxxxx.



ELEGIA,

In nova reperta D. D. SWAMMERDAMMI

Anatomici Amstelædamensis experientissimi.

D'Um miranda doces & nulli cognita sæclo,
Dum pandis, tenebris eruta Cimmeriis,
Quæ Batavos latuere meos, quosque Itala tellus,
Et, quos fert dextros terra Britanna, viros,

Pergameis, horret, sacris operata, juventus,

Dædaleasque artes Ars stupet ipsa tuas:

Nec falli potuisse dolet, cum, turgida cerá,

Turgida purpureo sanguine vasa, putat; Nec didicisse pudet, dum, tammirabile visu,

Quod minima efficiunt vascula, reticulum,

Et Splenis fibræ, Jecorisque arteria multa Monstratur, nulli tam bene visa prius.

At gestit vovisse tibi (licet aurea docto

Aurea sint capiti debita serta tuo)

Ut, dum fundit humus flores, pater ipse, corollas,

Artis, cum Charisin, nectat Apollineas;


Quæ cunctos ævi valeant eludere morsus, Quæ dium spirent Nectar & Ambrosiam.

Et semper tibi sint distenta alvearia cerà, Et te melle suo sedula pascat apis.

Ut ductus reperire novos, iuvenisque suavi Eloquio possis erudiisse senes.

Cecinit amicus amico.

Q. Z.



And the desire of the wife of the There's hearth against applicable there's Market greet affects the second letter to the · F ANTENNA PRO DESCRIPTION OF THE PERSON OF THE PERSON The Real Principles of the Control o

2 412/2





